

嬰

童

百

問

嬰童百問卷之五

語遲 第四十一問

巢氏云。小兒四五歲不能言。蓋人之五臟以心之聲爲言。所不能言者。由在胎時其母卒有驚怖。內動于兒。藏邪氣乘于心。故令心氣不足而不能言也。宜服錢氏葛蒲丸。以意加減。久服取效。

葛蒲丸

治小兒心氣不足。五六歲不能言。心之聲爲言。兒稍長。合語而遲。由妊娠時其母驚怖。內動于

兒臟邪氣乘于心使心氣不足吾本無力故令  
語遲

石菖蒲

丹參

天門冬

去心焙  
各一錢

赤石脂

錢三

人參

去蘆  
半兩

右爲末煉蜜丸如麻子大食後溫水下二十九  
聖濟總錄有黃連

滯頤 第四十三

巢氏云小兒滯頤者涎流出而漬于頤間也此由脾  
冷涎多故也脾之液爲涎脾胃虛冷不能收制其津  
液故流出漬于頤也張氏溫脾丹主之一法百藥煎  
含嚥其涎自不出亦截法也益黃散亦治此症溫脾  
散亦可服

張渙溫脾丹 治滯頤

半夏麴

丁香

木香

各一兩 乾薑

白朮

青皮

陳皮

各半兩

右爲末糊丸如黍米大二歲十九

大小加減米湯下

溫胃散

治滯頤者涎流出積于頤上此由脾冷涎多故也

半夏

泡

人參

甘艸

乾薑

肉豆蔻

白朮

各半兩

丁香

一兩

右爲末每服二錢生薑三片煎食前溫服

益黃散

治小兒吐瀉脾虛不食米穀不化困倦力少

腸夜起并疳虛盜汗并治涎唾流頤下常涎

滯頤

陳皮

去白一兩

丁香

二錢

方

訶子

炮去核

青皮

去穢

甘州

炙各五錢

右爲末每服二錢水煎二分食前服

龜背龜胸鶴膝行遲

第四十三問。○ 九治五六歲不步。

仲陽云龜胸者乃肺熱脹滿攻于胸膈卽成龜胸又乳母多食五辛而成此疾龜背者兒生下客風吹脊入于骨髓卽成龜背治以龜尿點其背上骨節取尿之法當放龜于荷葉上候龜眼四顧急用鏡照之其尿自出聖惠論小兒龜胸者緣肺熱氣脹滿而成此疾乳母多食辛辣之物亦成此候或乳母有宿乳孔兒亦成此疾常捏去宿乳則無此症也當用聖惠龜背丸治之聖惠論龜背者小兒初生未滿半周強今

早坐遂使客風吹脊故令背高如龜之狀也有灸法  
可療當灸第三椎骨下兩傍各一寸半肺俞穴又第  
五椎骨下兩傍二寸半心俞穴又第七椎骨下兩傍  
各一寸半膈俞穴以小兒中指節爲一寸艾炷如小  
麥大但三五壯而止又有鶴膝證小兒稟受不足血  
氣不充故肌肉瘦薄骨節三露如鶴之膝抑亦腎虛  
而得之錢氏地黃丸加鹿茸以補腎氣又有行遲之  
症乃血氣不充則髓不滿骨故軟弱而不能行抑亦  
肝腎俱虛而得之肝主筋筋弱而不能束也地黃丸

加牛膝五加皮及酒炙鹿茸。又有五加皮散治之。又治龜胸有龜胸丸以散其熱。松蘿丹百合丹治龜胸龜背尤佳。

龜胸丸

治小兒龜胸龜背緣肺熱氣脹滿而漸成此疾乳母多食辛辣之物亦能成此症

大黃

煨一錢

天門冬

去心

百合

杏仁

去皮尖炒

木通

去節

枳殼

麸炒

桑白皮

蜜炙

甜葶藶

炒

朴硝

各五錢

右爲細末煉蜜丸如芡實大每用一丸溫湯化服食後

枳殼防風丸

枳殼麩炒防風去蘆獨活去蘆大黃煨

前胡去蘆當歸去節各一錢麻黃去節各一錢

右爲細末麩糊丸如黍米大每服十九米飲食後服

腹痛 第十四問

夫腹痛者多因邪正交攻與藏氣相擊而作也。挾熱而痛者必面赤或壯熱四肢煩手足心熱見之挾冷而痛者必面色或白或青手足冷者見之冷甚而變症則面黯唇口俱黑爪甲皆青矣。熱症四順清涼飲加青皮枳殼冷症七氣湯加辣桂調蘇合香丸若邪正交攻冷熱不調桔梗枳殼湯加青皮陳皮木香當歸爲妙。若內吊等症則釣藤散其餘則芍藥甘草湯爲要藥也。實痛有熱者大柴胡湯主之心腹痛甚有

實熱者。大承氣湯下之。腹痛桂枝加芍藥。痛甚桂枝加大黃也。

### 四順清涼飲

治小兒血脈壅實。臟腑生熱。頰赤多渴。五心煩燥。睡臥不安。四肢驚掣。及因乳哺不時寒溫失度。令兒血氣不順。腸胃不調。小便少。大便澀。或溫壯連滯。欲成伏熱。或壯熱不歇。欲發驚癇。又治風熱結核。頭面瘡癤。目赤咽痛。瘡疹毒。一切壅滯。並宜服之。治挾熱瀉不止。加木香大黃。

赤芍藥

當歸

甘草

大黃

各等分

右剉散三歲以上每服二錢水一盞煎至七分作兩服欲利小便用赤芍藥虛熱加甘草不利減大黃冒風邪加去節麻黃中風體強眼睛上視加獨活量兒大小虛實加減微瀉利爲度可加荆芥更四十問內有加味清涼飲子可詳症通用

七氣湯

治七氣所傷痰涎結積心腹亦痛不能飲食

半夏

製五兩

人參

辣桂

各二兩

甘艸

半兩

右剉每服三錢水一盞薑五片棗一枚煎六分

食前服。

指迷七氣濕

治七情相干陰陽不升降氣道壅滯攻衝作逆

青皮

陳皮

桔梗

蓬朮

辣桂

益智仁

各一兩

香附子

一兩

甘草

半夏

製各七錢半

右剉每服三

水一盞薑三片棗一枚煎七分

不拘時服

異香散

治小兒諸般吊症角弓反張胸高臍凸用透明  
沒藥一味爲末薑湯調下一錢匕

桔梗枳殼湯

治諸氣痞結滿悶腹脇疼痛

枳殼

炒

桔梗

各二兩

甘草

半兩炙

右剉散每服四錢水一盞薑五片煎至半盞服

釣藤散

治小兒夜啼乃臟冷也陰盛于夜則冷動冷動

則爲陰極發躁寒盛作疼所以夜啼不歇也釣  
藤散主之治驚啼加蟬蛻防風天麻前十六問  
有釣藤散又二十問蟬蛻釣藤飲可參看兼用

釣藤鈎

茯神

茯苓

川芎

當歸

木香

甘艸

白芍藥

各錢

右爲末每服一錢薑棗略煎服其或心熱而煩  
啼必有臉紅舌白小便赤澀之症釣藤飲去木  
香加朱砂末一錢研和每服一錢木通湯調下  
或剉散煎服亦可

保命九

治小兒胎驚內吊腹肚緊硬眠睡不安夜多啼哭及治急慢驚風眼目上視手足抽掣不省人事悉皆主之冷症用此

全蝎

十四个去毒

防風

二錢

僵蠶

炒去絲嘴

天麻

各二錢

南星

炮

白附子

麝香

五分

金箔

十片

蟬蛻

朱砂

各一錢

如有熱症加

牛黃

冰片

硃砂

右爲末粳米糊丸每兩作四十九丸常服鎮心安

神化痰除一切驚風諸症湯臨時換一方加人

參白茯苓各二錢

芍藥甘草湯

治出疹肚疼腹滿小便不通

芍藥

一兩

甘草

二錢

半

右剉散每服三錢水一盞煎至七分不拘時服

大柴胡湯

治傷寒十餘日邪氣結在裏往來寒熱大便秘

澀腹滿脹痛譫語心中痞硬飲食不下或不大

便五六日繞臍刺痛時發煩躁及汗後如瘧日

晚發熱兼臟腑實脈有力者可服

柴胡

去蘆 八錢

黃芩

赤芍藥

各三錢

半夏

湯泡七次切片 焙乾一錢半

枳實

去穢 炒一錢

右剉散薑三片棗二枚水一盞煎七分加減服

之欲下加入黃半兩

桂枝加芍藥湯

治太陽病反下之因腹痛是有表復有裏宜服

桂枝

半兩

芍藥

三兩半利者先煎三四沸

生薑

一兩

大棗

六個

甘草

炙一兩

右咬咀水煎加減服痛甚者加大黃大實者加  
一兩半羸者減之

大承氣湯

治剛痙胃滿內實口噤咬牙大熱發渴大便閉  
澀腹中疼痛結硬如石轉矢氣者用此湯下之  
大黃半兩芒硝半兩厚朴一兩枳實二枚

右剉散每服三錢薑三片水一大盞煎至七分  
不拘時或空心服以利爲度未利再投

桂枝加大黃湯

治太陽病反下之因腹滿痛屬太陰桂枝加芍

藥主之大實痛者桂枝加大黃湯主之

桂枝

三錢  
去皮

芍藥

一斤

甘草

炙半兩

大黃

半兩  
瀝

加咬咀薑三片棗二枚每服五錢水一大盞煎

至七分溫服

腹脹 第四十五問

腹脹有虛有實皆由脾胃氣攻所作也實者悶亂喘滿可下之紫霜丸白餅子其不喘者虛也不可下若誤下致脾虛氣上附肺而行肺與脾子母皆虛肺主目胞腮頰腫也脾主四肢母氣虛甚卽黃也治之用塌氣丸漸消之未愈漸加丸數然脾虛氣不運動故腹脹而不喘可以散藥治之使上下分消其氣卽愈也又有疝氣積脹用褐丸子治之又有癥癖痞脹三稜丸主之有實熱脹滿者大承氣湯主之一法用五

冬散吞紫霜丸。量虛實用。九數亦妙。熱輕者。大柴胡湯治之。

鵝兒子 治小兒疳積腹脹

蘿蔔子 一兩 微炒 陳皮 青皮

檳榔 五靈脂 蓬朮 煨 赤茯苓 各半

黑牽牛 取牽牛末 生牛炒 木香 二錢 牛

右爲末。麪糊丸。如菉豆大。每服十五丸。蘇葉泡。

湯送下。

紫霜丸

治變蒸發熱不解并傷寒溫壯汗後不歇胸中  
有痰癰乳哺不造乳則吐哕先寒後熱者又治  
食積乳哺失節宿滯不化或因食而發癰大便  
酸臭竝宜服之

代赭石

煅醋淬  
七次

赤石脂

各一  
錢

杏仁

五十枚  
去皮尖

巴豆

三十枚  
去皮  
膜心出油

右先將杏仁巴霜入乳鉢內細研如膏却入代  
赭石脂末研勻以湯浸蒸餅爲丸如粟米大一  
歲服五丸米飲吞下一二百日內兒三九乳汁

下更宜量其虛實加減微利爲度此藥兼治驚  
痰諸疾雖下不致虛人。

### 白餅子

治小兒夾食傷寒其症發熱嘔吐亦有肚疼者  
噯氣辨得分曉先用此藥一服推下食積却用  
平和藥發散調治如惺惺散加減參蘇散皆可  
服却不可服冷藥

滑石

南星

半夏

各一錢

輕粉

五分

巴豆

二十四個去皮膜用  
小片煮乾研細

右三味搗羅爲末入巴豆霜次入輕粉又研勻  
却入餘藥末令勻糯米飲丸如棗豆大量小兒  
壯瘦虛實用藥三歲已下每服三丸至五丸紫  
蘇湯空心下忌熱物若三五歲兒壯實者不以  
此拘加至二十九以利爲度

### 塌氣丸

治小兒疳氣腹脹喘急并目浮腫

丁香

一錢

胡椒

一錢

鹽

子

炒

白牽牛

生各二錢

右爲末麪糊丸如小豆大三歲三十九米湯下

三稜煎丸

治小兒嬰孩食傷生冷糊膩毒熱等物脾胃積滯久不尅化令兒壯熱脚冷痞癖寒熱及療癥瘕中脘不和膨脹上膈氣壅心腹不得宣通所以作疾此藥溫良但是諸積滯食不化並宜服

京三稜

煮

蓬朮

各半兩煮

芫花

一分醋炒

鼈甲

醋炙焦

淡豆豉

錢二

巴豆

二十粒

川當歸

半兩

杏仁

去皮尖炒三錢

右將三稜蓬朮芫花鼈甲醋煮令乾剉碎炒爲細末次入當歸末又入杏仁巴豆淡豉和勻水

煮白麴爲丸。麻子大。每服二十丸。生薑湯下。大  
小加減服之。

### 大承氣湯

治剛痊胸滿內實。口噤咬牙。大熱發渴。大便澀。

大黃

芒硝

各半兩

厚朴

一兩

枳實

二枚

右剉散。每服三錢。薑三片。水一盞。煎七分。溫服。

### 五苓散

治傷寒溫熱病。表裏未解。頭痛發熱。口燥咽乾。  
煩渴飲水。或水入卽吐。或小便不利。及汗出表。

解煩渴不止。又治霍亂吐利。躁渴飲水不徹。

澤瀉

二兩半

猪苓

一兩半

白朮

一兩半

茯苓

一兩半

肉桂

一兩

右爲細末。每服二錢。熱湯調下。不拘時服。訖多飲熱湯。有汗出卽愈。又治瘧熱在裏。身發黃。疸濃煎茵陳湯下。食前服。疸病發汗發渴。及中暑引飲。亦可用。水調服。小兒加白朮末少許。如發虛加綿黃芪人參末少許。

大柴胡湯

治傷寒十餘日邪氣結在裏往來寒熱大便秘  
澀腹滿脹痛譫語心中痞硬飲食不下或不大  
便五六日繞臍刺痛時發煩躁及汗後如瘧日  
晚發熱兼臟腑實脈有力者可服

柴胡

去蘆八錢

黃芩

三錢

赤芍藥

三錢

枳實

去穢炒一錢

半夏

湯泡七次切片焙乾一錢半

芍藥散薑棗煎加減服之欲下加大黃半兩

下積丸

治乳食傷積心腹脹滿氣粗壯熱或瀉或嘔

丁香二十粒砂仁二十粒史君子五十個烏梅三個

巴豆三粒不  
去油

右爲末爛飯丸麻子大每服三九陳皮湯下

五珍丸治酒食積通用

青皮乾薑燒存性蓬朮五靈脂各一兩

巴豆肉去牛黃一錢

右爲末粳米飯丸麻子大每服三五丸米湯下

腹中有癖

第百六十四

癖者血膜包水側僻于脇旁時時作痛也惟癖爲能發潮爲能生寒熱故瘧家多畜黃水日久而復結癖于中皖寒熱不已有是疾者以此小兒臟腑和平榮衛調暢則津液自然流通縱使多飲水漿不能爲病惟失哺失調三焦關格以致水飲停滯腸胃不能宣通如冷氣搏之則結聚而成癖輕者用積滯木香丸重者用取癖丸仲陽云腹中有癖不食但飲乳是也當漸用白餅子下之如不蚤治則不能食脾胃虛弱

四肢不舉諸邪遂生羸瘦而成疳矣

木香丸

治吐乳瀉乳其氣酸臭由啼叫不已以乳與兒  
停滯不化是爲乳積肚硬熱渴吐瀉由飲食無  
度過飽卽睡是爲食積腹痛啼叫利如蟹渤由  
觸忤其氣榮衛不和淹延日久是爲氣積瘧後  
肚內結癖成塊

木香

二錢

蓬朮

二錢

砂仁

二錢

青皮

去蘖二錢

硃砂

研細二錢

代赭石

二錢

大丁香

二錢

豆蔻

去油一錢

右爲細末和勻飛白麩糊和九麻子大每服二  
三九乳傷乳汁下食傷米飲下

取癖丸 治小兒癖塊大筋用之如應

甘遂

微炒二錢

芫花

微炒二錢

黑牽牛

牛炒半生磨篩收末二錢

辣桂

二錢

蓬朮

二錢

青皮

去穢一錢

木香

二錢

桃仁

炒二錢

五靈脂

二錢

巴豆

去油一錢

右爲末研和十分細嫩飛白麩糊丸麻子大每

服一二九薑蜜煎湯灌下洩後冷粥補仍和

揆癖丸

治乳癖穀癰腹中塊痛

青皮

去穢三錢

木香

三錢

蓬朮

三錢

生地黃

三錢

代赭石

大煨醋淬研極細末三錢

巴豆

壓去油盡一錢

右爲細末醋麪糊丸麻子大每服二九食後

湯下

檳榔丸

治小兒傷食得之痛刺脇肋心胸煩悶飲食不下吐逆惡心久不醫治漸成痞癖

檳榔

五錢

木香

麪裏煨三錢

青皮

五錢去穢巴豆

三十粒去殼同炒去巴豆

陳米

半合炒法亦用巴豆同炒

右爲細末蒸餅丸如黍米大用米飲食前服丸

數多少量兒大小虛實加減

北柴胡散

治小兒因傷血得之胸膈鬱悶痛引小腹時或成築上脘心胸漸底瘀結之症

北柴胡

三錢

人參

三錢

木香

三錢

枳殼

三錢

京三稜

三錢

檳榔

三錢

右爲細末陳皮煎湯調食遠服

褐丸子

治小兒因傷氣得之心腹膨脹肚大脇痛面黃肌瘦倦怠無力久而不治漸成痞塊

陳皮

五錢

青皮

五錢

三稜

五錢

蘿蔔子

炒五錢

蓬莪朮

五錢

木香

一錢

胡椒

一錢

黑丑

炒取頭末三錢

右爲細末麪糊丸如黍米大生薑三片泡湯送

下二三十丸

七香丸

治小兒因傷積得之其症如腸癖之疾便利無度滑不成糞似痢非痢結成癖塊

木香

一錢五分

丁香

一錢五分

八角茴香

炒一錢五分

枳殼

一錢

三稜

一錢

青皮

一錢

蓬莪朮

細切一錢

用巴豆七粒去殼同炒赤色不用巴豆

右爲細末煮糊丸如黍米大每用三十九米飲

空心服

痞結 第四十七

痞者塞也。結者實也。熱氣蘊于胸膈之間，留飲聚于腹脇之內，于是榮衛不能流行，臟腑不能宣通，由脹滿而致痞結，勢使然耳。此實熱之症也。時或發爲壯熱，聖惠甘遂散主之。此藥治小兒痞結，雖服湯藥，時暫得利而滯實不去，心下堅脹，按之卽啼，內有伏熱，諸候併成此疾，宜疎利大便，破結散氣，後宜常服進食丸。

聖惠甘遂破結散 治小兒心胸痞結，壅聚痰水。

甘遂麩裏煨令黃  
色二錢半

青皮半兩  
黃芩半兩

川大黃煨牛  
兩

右爲粗末每服一錢水一盞煎至六分去滓溫  
和服量大小加減得通利則止後以冷粥補之  
進食丸

治乳食不消心腹脹滿壯熱喘粗嘔吐痰逆腹  
鳴泄瀉米穀不化或下痢赤白腹痛後重及食  
癥乳癰疔氣痞結並皆治之小兒胸膈熱實腹  
內有留飲致令榮衛痞塞臟腑之氣不得宣通

其病腹內氣結服滿或壯熱凡有此疾當疎利  
大便破結散氣宜常服之

巴豆霜

五錢

枳殼

炒五錢

常歸

米泔浸炒

代赭石

水醋淬七次各三錢

木香

五錢

麝香

少許

右爲末麪糊爲丸如麻子大一歲兒一九溫米  
飲下更量虛實加減食後服治食積發熱羸瘦  
肚大青筋癖積肚疼哺露

積痛 第四十八問

仲陽云積痛口中氣溫面色黃白目無精光或白睛多及多睡畏食或大便酸臭者常磨積而痛自除宜消積丸甚者白餅子下之後胃氣不和用白朮散小沉香丸感應丸治之又有食積肚痛有熱者芍藥甘草湯加乾葛吐者加半夏生薑或加枳實亦效

消積丸

治乳食傷積心腹脹滿氣粗壯熱或瀉或嘔

丁香

二十粒

砂仁

二十粒

史君子

五十個

烏梅

三個

右爲末爛飯九麻子大加巴豆三粒去盡油同  
丸每服三丸陳皮湯下

### 白餅子

治小兒夾食傷寒其症發熱嘔吐亦有肚疼者  
暖氣辨得分曉先用此藥一服推下食積却用  
平和藥發散調治如惺惺散加減參蘇飲皆可  
服却不可服冷藥

滑石

南星

半夏

輕粉

五分

巴豆

二十四粒去皮膜用  
酒煮乾研細如泥

右三味搗羅爲末入巴豆霜次入輕粉又研勻却入餘藥末令勻糯米飲丸如菉豆大量小兒壯瘦虛實用藥三歲已下每服三九至五九紫蘇湯空心下忌熱物若三五歲兒壯實者不以此拘加至二十九以利爲度

錢氏白朮散

治瀉渴兼吐瀉

人參

二錢半

白茯苓

半兩

白朮

半兩

藿香葉

半兩

木香

二錢

甘州

一錢

乾葛

半兩湯者加一兩

右剉水煎發熱甚渴者去木香肚痛加白芍藥

小沉香丸

和中順氣嗜食消痰

砂仁

煨四錢

蓬朮

煨四錢

香附

炒一兩

甘艸

炙一兩

沉香

六錢

甘松

三兩

益智

炒一兩

舶上丁香皮

二兩

右爲細末湯浸蒸餅丸如梧桐子大每服三十

丸或四十九食後溫生薑湯下或嚼破更妙

芍藥甘草湯

治傷寒脈浮自汗出小便頻數微惡寒脚攣急拘疼及治肚腹胸脇大痛

白芍藥

炒一兩

甘草

一兩

右剉散每服三錢水二盞煎至八分不拘時服

積滯

第四十九問

小兒有積滯而目黃腫肚熱脹痛。眠睡多困。醋啼不食。或大腸閉澀。小便如油。或便利無禁。糞白酸臭。此皆積滯也。然有乳積食積。須當明辨之。吐乳瀉乳。其氣酸臭。此由啼叫未已。使用乳兒。停滯不化而得之。是爲乳積。肚硬帶熱。渴瀉或嘔。此由飲食無度。多餐過飽。飽後卽睡得之。是爲食積。腹痛啼叫。利如蟹渤。此由觸忤其氣。榮衛不和。淹延日久得之。是爲氣積。合用木香丸主之。檳榔丸亦可用。大小便閉者。神芩

九妙甚。是齊推氣亦佳。冷症下積五珍丸亦可用。

### 木香丸

治吐乳瀉乳。其氣酸臭。由啼叫不已。以乳與兒  
停滯不化。是爲乳積。肚硬熱渴吐瀉。由飲食無  
度過飽。卽睡。是爲食積。腹痛啼叫。利如蠡渤。由  
觸忤其氣。榮衛不和。淹延日久。是爲氣積。瘧後  
肚內結癖成塊。

木香

二錢

蓬朮

二錢

砂仁

二錢

青皮

去白  
二錢

硃砂

研細  
二錢

代赭石

二錢

大丁香

一錢

巴豆

壓去  
二錢  
三

右爲細末和勻。飛白麴糊和丸。麻子大。每服二三丸。乳傷。乳汁下。食傷。米飲下。

### 木香檳榔丸

疎導三焦。寬利胸膈。破痰逐飲。通潤大腸。

郁李仁

去皮

皂角

去皮

半夏

麴炒

枳殼

麴炒

青皮

去穢

杏仁

麴炒

木香

不見火

檳榔

各一錢

右爲細末。別用皂角四兩。用漿一椀。搓揉熬膏。更入熟蜜少許。丸如梧桐子大。每服十丸。小兒服可丸如菉豆大。食後生薑湯送下。

神芩丸

治風熱壅滯頭目昏眩口舌生瘡牙齒疳蝕或  
遍身瘡疥咬牙驚惕怔忡煩躁多渴或大小便  
澀滯或積熱腹滿驚風潮搐並皆治之

大黃

生

黃芩

各二兩

滑石

四兩

生牽牛末

一兩

滑石

四兩

黃連

薄荷葉

川芎

各半兩

右爲細末滴水丸桐子大每服四五十九食後

溫水下一方加蒲黃止血症用

是齊推氣丸

治三焦痞塞氣不升降胸膈脹滿大便閉澀小便赤少

大黃

陳皮

檳榔

枳實

小者去穢

黃芩

黑牽牛

各等分生

右爲細末煉蜜丸如菉豆大臨臥溫熱水下三十丸量虛實加減

檳榔丸

治小兒疳氣腹脹胸膈痞悶喘急不安

青皮

去穢同巴豆十粒炒去巴豆

蘿蔔子

香附子

炒

木香

各一兩

黑牽牛

牛兩  
微炒

右爲末。生薑自然汁煮麪糊丸黍米大。每服十丸米飲下。

### 下積丸

治乳食傷積。心腹脹滿。氣粗壯熱。或瀉或嘔。

丁香

二十粒

砂仁

二十個

史君子

五十個

烏梅

三個

巴豆

三粒  
不去油

右爲末。爛飯丸麻子大。每服三丸。陳皮湯下。

### 五珍丸

治酒食積通用

青皮

乾薑

燒存性

蓬朮

五靈脂

各二兩

巴豆肉

去牛油一錢

右爲末。粳米飯團麻子大。每服三五丸。米湯下。

快膈消食丸

治小兒宿食停滯腹脹疼痛

三稜

煨

蓬朮

煨

揀縮砂

去殼

橘皮

去白

神麴

炒

麥蘖

炒各五錢

香附子

炒一錢

右爲細末。蒸餅丸如黍米大。生薑煎湯或白湯

食遠服或作餅子磨服

香稜丸

治小兒積氣發熱肚腹膨脹肢體瘦弱飲食不  
滋肌膚。

木香

丁香

檳榔

去臍

枳殼

炒

甘松

史君子

去殼

神麴

炒

麥蘖

炒各二錢半

京三稜

煨

蓬莪朮

青皮

陳皮

香附子

炒各五錢

胡黃連

一錢

右爲細末蒸餅丸如黍米大用米飲食遠服。

諸熱症

第五十問

小兒之病其熱惟多夫熱有虛有實實則面赤膠黃  
氣沮口熱燥渴唇腫大小便難掀揭露衣煩啼暴叫  
虛則面色青白恍忽神緩口中清冷噓氣軟弱泄瀉  
多尿夜出虛汗其或乍涼乍溫怫鬱驚惕上盛下虛  
泄水穀不分此則冷熱不調之症虛則敗毒散加木  
香當歸然小兒表裏俱熱面黃頰赤唇燥口乾小便  
赤澀大便秘黃先以四順清涼飲爲之疎利其熱卽  
去或表未解也當先用惺惺散少加麻黃去節以取

發出其汗或用柴胡散則表熱已除又當和解其熱  
百平。若驚熱風熱積熱可服寬熱散下之。保壽散金  
粉散以退餘熱可也。

### 敗毒散

治傷寒溫疫風溼頭目昏眩四肢痛憎寒壯熱。  
項強目睛疼尋常風眩拘倦風痰身體項疼及  
寒壅咳嗽鼻塞聲重寒熱並治之。

柴胡

洗去  
蘆

前胡

川芎

枳殼

炒

羌活

獨活

白茯苓

桔梗

炒

人參

各一兩

甘草

半兩

右爲粗末每服二錢生薑湯苛煎加地骨皮天麻或剉散加蟬蛻防風治驚熱可加芍藥乾葛黃芩無汗加麻黃

### 四順清涼飲

治小兒血脈壅實臟腑生熱頰赤多渴五心煩燥睡臥不安四肢驚利及因乳哺不時寒溫失度今兒血氣不順腸下不調小便少大便澀或溫壯連滯欲成伏熱或壯熱不歇欲發驚癇又

治風熱結核頭面瘡癰目赤咽痛瘡疹毒一切  
壅滯並宜服之治痰熱瀉不止加木香用煨大  
黃

赤芍藥

當歸

甘艸

大黃

各等分

右剉散三歲已上每服二錢水一盞煎至七分  
作兩服欲利小使用赤芍藥虛熱加甘艸不利  
減大黃冒風邪加去節麻黃中風體強眼睛上  
視加獨活量兒大小虛實加減微溏利爲度可  
加荆芥更十四問內有加味清涼飲子可詳症

通用

惺惺散

治小兒風熱瘡疹傷寒時氣頭疼壯熱目澁  
睡咳嗽喘粗鼻塞清涕

天花粉

人參

細辛

去葉

茯苓

去皮

白朮

甘草

桔梗

各等分

右剉散每服五錢水一小盞入薄荷三葉同煎  
至四分溫服如要氣即入生薑煎服不拘時  
柴胡散

治小兒傷寒無汗有表症壯熱頭疼身體痛口  
乾煩渴小便赤大使秘澀夾驚腮腫

石膏

黃芩

甘草

赤芍藥

葛根

各二錢半

麻黃

去節

柴胡

半兩

右剉散三歲兒每服二錢水一小盞生薑少許  
葱白三寸豆豉一撮煎六分溫服

百問卷之六

傷寒正受傷寒夾驚

第五十一問

小兒傷寒初得。渾身發熱無汗。多啼哭。看眼急。有如驚風。但用發散退熱。莫令發渴。如渴便欲飲水。不飲當發散。羌活散。三黃散。柴胡散。抱龍丸。或虛煩可用竹葉湯。如嫩小兒。當服洗心散。薄荷散。紅綿散。四肢發汗。自然精神喜悅。感傷寒之重者。當依仲景之法治之。又有傷寒夾驚。先要發散。其乃退熱化痰截驚。乳下嬰兒。抱龍丸。羌活散。加荊芥防風。三黃散。

痰熱次用柴胡黃芩藥調理管取向安葱白湯亦入服

羌活散

治傷寒風驚熱或中風體硬可加麻黃乾葛薏苡仁

羌活

獨活

前胡

柴胡

川芎

白茯苓

桔梗

枳殼

人參

地骨皮

天麻

各等分

甘草

減半

右剉散生薑薄荷煎加蟬蛻治驚熱

柴胡散

治小兒傷寒無汗。有表症。壯熱。頭疼。身體痛。口乾。煩渴。小便赤。大便秘澀。夾驚。腮腫。

石膏

黃芩

甘草

赤芍藥

葛根

各二錢半

麻黃

去節

柴胡

半兩

右剉散。三歲兒每服二錢。水一盞。生薑少許。葱白三寸。豆豉一撮。煎至七分。不拘時溫服。

三黃散

解傷風熱症

白朮

大黃

蒸

赤芍藥

半兩

黃芩

三錢

麻黃

去節桂枝二錢

右以咀生薑一片棗二枚水一盞煎七分溫服

抱龍丸

治傷風溫疫身熱氣粗痰實壅嗽常服安神鎮驚亦治疹痘壯熱小兒宜時與服

膽星

一兩

天竺黃

二錢

雄黃

二錢

辰砂

二錢

麝香

少許

氣喘有痰加杏仁

右爲末煮甘草汁丸嬰桃大陰乾薄荷湯吞下

針葉石膏湯

治傷寒表裏俱虛，偏身胸煩悶，或得汗已解，內無津液，虛羸少氣，氣逆欲吐，及諸虛煩，傷寒解後傷寒未解，切不可服。

石膏

四兩

半夏

六錢

人參

半兩

甘草

半兩

麥門冬

去心  
一兩

右咬咀，每服三錢，生薑一片，粳米五十粒，煎米熟爲度，去滓溫服。嘔者加生薑三片，竹葉數片。  
洗心散

治風壅壯熱，頭目昏痛，痰涎壅滯，涕唾稠黏。

神不寧眼澀睛疼及鼻塞聲重咽乾多渴  
煩熱小便黃赤大便秘澀並宜服之

白朮

半錢

甘草

炙六錢

當歸

六錢

麻黃

不去節六錢

荊芥穗

六錢

芍藥

六錢

大黃

麩裏煨去麩切焙六錢

右剉散每服四錢生薑薄荷煎去滓乳母服或

兒服加前胡生地黃辰砂名辰砂七寶散爲末

治小兒口瘡積熱夾驚傷寒生薑薄荷泡湯調

下一錢二十問內有七寶洗心散可兼看參用

辰砂七寶散

治小兒壯熱傷風壅熱治夾驚傷寒解諸般熱  
亦治疹痘熱治驚風定搐搦

麻黃

去節半兩

白朮

半兩炒

當歸

半兩酒洗

赤芍藥

半兩

大黃

生半兩

荆芥

穗半兩

前胡

半兩去芦

生地黃

酒洗半兩

甘草

生半兩

急驚加辰砂薄荷調下

右為末每服三錢傷風發散用生薄荷泡湯下

薄荷散

治乳下嬰兒鼻塞不通及治夾驚傷寒變蒸熱

薄荷葉

半兩

羌活

一錢半

全蝎

一錢半

甘州

一錢

麻黃一錢 去節 殭蠶炒 錢半 天竺黃一錢 白附子一錢

右為末。每服三。薄荷湯下。熱極生風。加竹瀝

少許與服。一方有柴胡。台芎。桔梗。茯苓。無全蝎

殭蠶。天竺黃。白附子。

紅綿散

治傷風咳嗽鼻塞。或流清涕。

全蝎五个 去毒 麻黃二錢 去節 殭蠶二錢 炒 白芷一錢

川芎二錢 天麻二錢 甘草一錢 蘇木一錢

右剉綿少許煎服。有熱加荊芥。一方有大黃。

葱白湯

治頭疼不止身疼渴發熱小便赤黃脉浮數無汗

葛根

半兩

芍藥

半兩

知母

半兩

川芎

一兩

右咬咀每服二錢水一小盞生薑二片葱白三枚煎至七分去滓熱服出汗如有汗溫服加甘草治小兒夾驚傷風并治發瘧頭疼加石膏服嘔者加半夏半兩

羌活湯

解利邪氣傷風

羌活

一錢

人參

一錢

防風

一錢

川芎

一錢

右剉一劑生薑三片薄荷七葉水一盞煎至七分不拘時服加芍藥甘草

小兒傷寒與時氣同異

第五十二問

小兒傷寒得之與大人無異所異治者兼驚而已  
又有因夾驚食而得治法與大人一同但小其分劑  
使藥性稍差耳仲景云春氣溫和夏氣炎熱秋氣清  
涼冬氣冷冽此則四時正氣之序也冬時嚴寒觸冒  
之者乃名傷寒耳其傷于四時之氣皆能爲病冬受  
寒毒之氣其卽時而病者頭痛身疼肌膚熱而惡寒  
名曰傷寒其不卽時病者寒毒藏于肌膚之間至春  
夏陽氣發生則寒毒與陽氣相搏于榮衛之間

與冬時卽病無異。但因春而發。名曰溫病。至夏而發。名曰熱病。陽熱未盛。爲寒所制。病名爲溫。陽熱已盛。寒不能制。病名爲熱。故太醫均謂之傷寒也。然熱病傷寒溫病。時氣傳變無異也。凡時氣者。四時之間。有不正之氣也。爲春應暖而反寒。夏應熱而反冷。秋應涼而反熱。冬應寒而反溫。非其時而有其氣。氣之中人。則頭疼壯熱咳嗽。氣粗煩渴。心躁慌忽驚悸。傳變與傷寒無異。故一歲之中。病無長少。率相似者。此則時行之氣。謂之天行是也。治法三四月或有暴寒。

其時陽氣尚弱爲寒所折病熱猶輕升麻湯解肌濕  
主之五六月陽氣已盛爲寒所折病熱則重七八月  
陽氣已衰爲寒所折病熱亦微調中湯射干湯半夏  
桂甘湯可選用也秋溫冬溫治溼則利小便治冬溫  
亦宜解利其利小便也則以五苓散輩其解利冬溫  
宜葳蕤湯蓋冬溫者感溫氣而作寒疫者暴寒折人  
非觸冒之過其治法不同所施寒熱溫涼之劑亦異  
不可拘以日數發汗吐下隨症施行要之治熱以寒  
溫而行之治溫以清冷而行之治寒以熱涼而行之

治清以溫熱而行之以平爲期不可以過此爲  
湯氏有七寶散加減服之併與乳母尤好有熱者加  
升麻湯加柴胡黃芩等劑治之柴胡石膏湯極效

升麻湯

治小兒時行瘟疫頭痛發熱肢體煩疼及瘡疹  
已發未發疑似之間治傷寒中風憎寒壯熱肢  
體疼痛鼻乾不得睡兼治寒暄不時人多疾疫  
乍煖脫着及暑熱之忽變陰寒身體疼痛頭重  
如石者亦可加柴胡無汗加麻黃

升麻 一錢 葛根 一錢 白芍藥 一錢 甘草 一錢

右咬咀。每服三錢。水一盞。煎至六分。去滓溫服。  
瘡疹亦準此服。藥已身涼止藥。加紫蘇茯苓川  
芎名升麻蘇葉散。有熱加黃芩。咽喉痛加桔梗。  
發丹加玄參效。

### 解肌湯

治傷寒溫病。時行寒疫。頭痛項強。畏寒肢體拘  
急。骨節煩疼。腰脊強痛。胸膈煩悶。無汗惡風。

葛根 一兩 麻黃 去節半兩 芍藥 半兩 甘草 半兩

桂枝

二錢半千金方無此一味

右咬咀每服三錢水一盞棗一枚煎至六分去

滓稍熱服以汗出為度夏月加石膏升麻各一錢

調中湯

治夏末秋初忽有暴寒折于盛暑熱結于四肢

則壯熱頭疼寒傷于胃則下利或血或赤或白

壯熱迷悶脈數宜下之

大黃

七錢半

桔梗

炒半兩

蘘本

半兩

茯苓

半兩

甘草

半兩

乾葛

半兩

黃芩

半兩

芍藥

半兩

白朮

半兩

右咬咀白朮煎量大小加減服得快氣利壯熱便歇去大黃加黃連枳殼止利尤妙或加地榆或加當歸皆可感風加荆芥秋宜下當下大黃射干湯

治初秋夏月暴雨冷及天行暴寒其熱喜伏于內咳嗽曲折不可得氣息喉啞失聲乾嗽無唾喉中如硬

半夏

湯泡五錢

生薑

炮四錢

射干

二錢

杏仁

去步

甘草

錢二

紫苑

錢二

肉桂

錢二

枳實

錢二

當歸

錢二

橘皮

錢二

獨活

錢二

麻黃

去節湯泡二錢

右咬咀。每服三錢。水一盞。煎至六分。去滓溫服。

### 半夏桂甘湯

治伏氣之病。謂非時有暴寒中人。伏于少陰經。始不覺病。旬月乃發。脉便微弱。咽痛似傷寒。非喉痺之病。次必下利。始用半夏桂甘湯主之。次用四逆散。此病一二日便差。古方謂之腎傷寒。

半夏

洗二兩

桂心

二兩

甘草

炙二兩

右剉如麻豆大。每服三錢。水一盞。煎至六分。放冷。少含細嚥之。入生薑三片煎。

### 五苓散

治傷寒溫熱病。表裏未解。頭痛發熱。口燥咽乾。煩渴飲水。或水入即吐。或小便不利。及汗出表解。煩渴不止。又治霍亂吐利。燥渴引飲。

澤瀉

二兩半

猪苓

二兩半

白朮

一兩半

茯苓

一兩半

桂

一兩

右爲細末。每服二錢。熱湯調下。不拘時服。

歲難湯

飲熱湯有汗出卽愈。又治瘧熱在裏身  
濃煎茵陳湯下。食前服。痘病發渴及中暑引飲  
亦可用。水調服。小兒加白朮末少許。如發虛加  
綿黃芪人參末少許。十六問辰砂五苓散參用

治風溫冬溫及春月中風傷寒發熱頭疼咽乾

舌強胸腹滿腰脊強

葛根

半兩

萎蕤

三錢

石膏

一兩

白薇

半兩

羌活

半兩

麻黃

半兩

川芎

半兩

杏仁

去皮尖

半兩

甘草

炙半兩

木香

半兩

右以咀。每服三錢。水一盞。煎至八分。去滓。溫服。

### 七寶散

治時氣。頭昏體熱。此藥大人可服。小兒乳母服。

紫蘇

三兩

香附

炒三兩

陳皮

一兩

甘艸

炙一兩

桔梗

去芦一兩

白芷

一兩

川芎

一兩

右以咀。每服二錢。水半盞。薑一片。棗一枚。煎三分。去滓。服。有熱加葛根。升麻。荆芥。

### 柴胡石膏湯

治時行瘟疫壯熱惡風頭痛體疼鼻塞

胸煩滿寒熱往來痰熱咳嗽涕唾稠黏竝療之

桑白皮

三兩

黃芩

三兩

升麻

二兩

石膏

五兩

前胡

去芦五兩

赤芍藥

五兩

乾葛

五兩

柴胡

五兩

荊芥穗

三兩

無汗加麻黃半夏北五味

右爲粗末每服二錢水一盞生薑二片淡豉十

粒煎至七分去滓稍熱服小兒分作三服量大

小加減不拘時候

傷寒表裏

第五十三則

凡治小兒傷寒。須辨表裏。表裏不分。汗下差誤。古人云。桂枝下咽。陽盛卽斃。承氣人胃。陰盛以亡。傷寒有表症。有裏症。有半在表。半在裏。有表裏兩症俱見。然在表者宜汗。在裏者宜下。在半表半裏者宜和解。表裏俱見。隨症施治。無表裏症。用大柴胡湯下之。其表症者。發熱惡寒。身體痛而脉浮無汗。頭疼項強腰脊痛。此足太陽膀胱經受病也。宜汗之。然傷寒發表。當隨病輕重而汗之。頭疼發熱兼驚。亦只用葱

之甚則麻黃湯各半湯解肌湯葛根湯柴胡湯  
選而用之其裏症者惡熱不惡寒手掌心并腋下  
濺汗出胃中乾咽燥糞結聚潮熱大便鞭小便如常  
腹滿而喘躁渴脉沉而滑內熱而譫語此屬足陽明  
胃經也宜下之小承氣湯大承氣湯四順飲洗心散  
斟酌輕重用之其在半表半裏者心下滿口不欲食  
大便鞭脉沉細是裏症當下其人頭汗出微惡寒手  
足冷卽當汗此兩症俱見者仲景所謂半在表半在  
裏也小柴胡湯主之太陽病不解傳入少陽脇下

清乾嘔不能入飲食往來寒熱尚未吐下診其脈弦  
緊者小柴胡湯主之此屬少陽膽經也宜和解其表  
裏兩症俱見者病人脈浮而大是表症當汗其人發  
熱煩渴小便赤是裏症當下是表裏症俱見五苓散  
主之又傷寒不大便六七日頭痛有熱者是也裏症  
當下其人小便清者知不在裏仍在表當須發汗此  
是兩症俱見卽未可下宜與桂枝湯又太陽病醫反  
下之因亦腹痛是有表復有裏仲景用桂枝加芍藥  
湯痛甚者桂枝加大黃湯或腹滿時痛尺寸

洪者此足太陰脾經也。自利不渴當溫之。中湯其無表裏者傷寒四五日以後以至過經無表裏症。又于裏症未可下者既非下症亦非汗症皆可。用小柴胡湯隨症加減用之以至十餘日外。用小柴胡湯不愈者。若大便鞭者可汗則用大柴胡湯下之。仲景云。六七日目中不了了。睛不和無表裏症。大便難身微熱此爲實也。當下宜大承氣湯。若不渴口不燥舌乾而目沉者急溫之宜四逆湯。此足少陰腎經也。其表熱裏寒者身大熱而反欲得衣熱在皮膚寒

在骨髓也。宜先與陰旦湯。寒已。次以小柴胡湯。加桂以溫其表。又身大寒而反不欲近衣。寒在皮膚。熱在骨髓也。宜先與白虎加人參湯。熱除。次以桂枝麻黃各半湯以解其外。又厥陰症。脉浮緩者。必囊不縮。外症必發熱惡寒。似瘧爲欲愈。宜桂枝麻黃各半湯。若脉尺寸俱沉短者。必囊縮。毒氣入臟。宜承氣湯下之。厥陰病。其脉微浮爲欲愈。不浮爲未愈。宜小建中湯。此足厥陰肝經也。然以表裏症內近似三陰三陽之症而疎于各症之下。非可以盡備六經之大。

以活人書傷寒論爲主其瘧症與大方治法  
本條夏傷于暑秋必瘧癘其暑症玉露散主之其證  
亦與大方同其治法但用分劑輕耳口議有脫甲散  
大能除熱扶表救裏真良方也

### 麻黃湯

治傷寒頭疼發熱身痛惡風無汗而喘又治太  
陽病脉浮緊無汗發熱身疼痛八九日不解表  
症仍在此當發其汗服藥已微除其人煩目瞑  
劇者必衄衄乃解所以然者陽氣重故也

甘草

半兩

麻黃

二兩

桂枝

一兩

杏仁

去尖

右咬咀每服三錢水一盞煎八分去滓大小加

減服衣覆取汗夏至後須加知母一兩石膏一

兩黃芩一兩蓋麻黃性熱夏月溫之必有發黃

生斑之失凡傷寒熱病藥性須涼不可太溫惟

冬及春或病人平素虛寒乃用正方不在加減

葱白湯

治頭疼不止身痛發渴發熱小便赤黃脉浮數無汗

葛根

半兩

芍藥

半兩

知母

半兩

川芎

一兩

右咬咀每服二錢水一小盞生薑二片

个煎至七分去滓熱服出汗如有汗溫  
草治小兒夾驚傷風并治發瘧頭疼加石膏服  
嘔者加半夏半兩

解肌湯

治傷寒溫病時行寒疫頭痛項強畏寒肢體拘  
急骨節煩疼腰脊強痛胃膈煩悶無汗惡風壯  
熱

葛根

一兩

麻黃

去節一兩

芍藥

半兩

甘草

半兩

桂枝

二錢半

右咬咀每服三錢水一盞棗一枚煎至六分去滓稍熱服取汗爲度夏月加石膏知母

### 葛根湯

治太陽病項強兀兀惡風無汗不惡寒剛痊

葛根 四兩 麻黃 一兩 肉桂 一兩 甘草 二兩

芍藥 二兩

右剉每服五錢水一盞半入生薑五片棗二枚煎七分去滓服取微汗爲度金匱方芍藥三錢

### 柴胡散

治小兒傷寒無汗有表症壯熱頭疼身體痠  
乾煩渴小便赤大便秘夾驚顛腫

石膏

二錢半

黃芩

二錢半

甘草

二錢半

赤芍藥

二錢半

麻黃

去節二錢半

柴胡

半兩

右剉每服三錢葱白三個薑一片水一盞煎服  
桂枝麻黃各半湯

治太陽病得之八九日如瘧狀發熱惡寒熱多  
寒少其人不嘔清便欲自可一日二三度發脉  
微緩者欲愈也脉微而惡寒者此陰陽不升更

發汗更吐下也。面赤色者，未欲解也。以其不能得少汗出身必痒。

桂枝 八錢 芍藥 半兩 生薑 半兩 甘草 半兩

麻黃 去節半兩 杏仁 去皮尖十四個 大棗 二個

右咬咀，每服三錢，水一小盞，煎八分，去滓溫服。

### 小承氣湯

治太陽病吐下後發汗而微煩，小便數，大便堅，宜陽明病。若出汗多而微惡寒，爲外未解，無潮熱，不可與之。若腹滿不大便，可少少與之。

大黃

一兩  
微炒

厚朴

半兩  
製

枳實

一兩  
炒

右咬咀煎陽明病潮熱大便微硬可與大承氣湯不硬者不可與之若不便六七日恐有燥屎欲知之法少與小承氣湯腹中轉屎氣者此有燥屎也乃可攻之若不轉矢氣者必先硬後瀉不可攻之攻之必腹滿不能食也欲飲水者與水則噦其後發熱者必大便硬而少也以小承氣湯和之不轉矢氣者不可攻也

大承氣湯

治剛痊胸滿內竅口噤咬牙大熱渴大便秘結

大黃

半兩

芒硝

半兩

厚朴

薑炒

枳實

一兩

右剉每服三錢薑三片水一盞煎七分空心服

四順飲

治小兒血脉壅塞臍臑生熱頰赤多渴五心煩

燥睡臥不安四肢驚掣及因乳哺不時寒溫失

度令兒血氣不順腸胃不調小便少大便澁或

溫壯連滯欲成伏熱或壯熱不歇欲發驚癇又

治風熱結核頭面瘡癩目赤咽痛瘡疹毒一

壅滯。宜服之。治挾驚瀉。加木香用煨熟。

赤芍藥

兩 當歸

一兩

甘草

一兩

大黃

一兩

右剉散。三歲已上。每服二錢。米一盞。煎至七分。作兩服。欲利小便。加白茯苓。虛熱加甘艸。不利減大黃。冒風邪。加去節麻黃。中風體強。眼睛上視。加獨活。量兒大小。虛實加減。微瀉利爲度。四十問內。有加味清涼飲子。可詳症通用。

洗心散

治風壅壯熱。頭目昏痛。痰涎壅滯。涕唾稠粘。

神不寧。眼澀睛疼。以鼻塞聲重。咽乾多渴。五心煩熱。小便黃赤。大便秘澀。並宜服之。

白朮 一錢 甘草 六錢 當歸 六錢 荆芥穗 六錢

麻黃 不去節 大黃 六錢 麩裏

芍藥 六錢

右剉散。每服四錢。生薑薄切煎。去滓乳母服。或兒服加前胡。生地黃。辰砂。名辰砂七寶散。爲末。治小兒口瘡積熱。夾驚傷寒。生薑薄切調下一錢。二十問內有七寶洗心散。可兼看對症用。

小柴胡湯

治傷寒溫熱病身熱惡風頸項強急胸脇滿痛嘔吐噦逆煩渴寒熱往來身面皆黃小便不利大便秘澀或過經不解或潮熱不除及瘥後勞復發熱疼痛煩熱經血適來適去寒熱如瘧。

人參

去芦二錢

甘草炙三錢

黃芩

三錢

柴胡

去芦八錢

半夏

湯洗七次焙乾二錢半

右剉散每服二錢水一盞生薑三片棗一枚煎七分去滓溫服不拘時

五苓散

治傷寒溫熱病表裏未解頭痛發熱口燥咽乾  
煩渴飲水或水入即吐或小便不利及汗出表  
解煩渴不止又治霍亂吐利燥渴引飲

澤瀉

二兩

猪苓

一兩

白朮

一兩

茯苓

一兩

桂

一兩

右爲細末每服二錢熱湯調下不拘時服訖  
飲熱湯有汗出即愈又治瘀熱在裏身發黃  
濃煎茵陳湯下食前服疸病發渴及中暑引

亦可用水調服。小兒加白朮末少許。

### 桂枝湯

治太陽中風。陽浮而陰弱。陽浮熱自發。陰弱者汗自出。膏膏惡寒。翕翕發熱。鼻鳴乾嘔者。

桂枝

去皮一兩半

芍藥

一兩半

甘草

炙一兩

生薑

一兩半

棗子

六個

右爲飲。每服三錢。水一盞。煎至八分。去滓。大

小加減服。須臾啜熱粥一盞。以助藥力。溫覆令

一時許。通身絪絪微微似有汗者。加減桂枝湯自

西北二方居人四時行之無不應驗江淮間惟  
冬及春可行自春末及夏至已前桂枝症加黃  
芩一分謂之陽旦湯夏至後有桂枝症可加知  
母半兩石膏一兩或升麻一分若病素虛寒者  
正用古方不在加減也戒曰桂枝最難用雖用  
云表不解可發汗宜桂枝湯須是病人常自汗  
出小便不數手足溫和或手足指梢作微冷少  
須却溫身雖微似煩而又憎寒始可行之若病  
人身無汗小便數或手足冷不惡寒或飲瀉

不喜甘者慎不可行桂枝也。仍有桂枝症服藥已無桂枝症者尤不可再與。

桂枝加芍藥湯

治太陽病反下之因腹痛。是有表復有裏宜服

桂枝

一兩半

芍藥

三兩半利者先煎三四沸

生薑

一兩半

大棗

六個

甘草

炙兩

右以水煎加減服。痛甚者加大黃。大實者加一兩半。羸瘦虛弱者減之。

桂枝加大黃湯

治太陽病反下之因腹滿痛屬太陰桂枝加芍藥主之。大實痛者桂枝加大黃湯主之。

桂枝

去皮一兩

芍藥

半兩

甘草

炙半兩

大黃

半兩銹者減之

右咬咀每服三錢水一盞薑一片棗一枚煎服

### 四逆湯

治陰症傷寒自利不渴嘔噦不止吐利俱作小便或澁或利脉微欲絕腹痛脹滿手足厥冷或咳或悸內寒外熱下利清穀四肢沉重或汗出熱不出內拘急身疼痛而惡寒者用此方治

乾薑

半兩

附子

一個生用

甘草

一兩

右㕮咀。每服三錢。水一盞。煎七分。不拘時。冷服。  
理中湯

治脾胃不和。中寒。止衝冒。脇逆滿。心腹疔痛。痰  
逆惡心。嘔吐。心下虛煩。痞滿。膈塞不通。飲食減  
少。短氣。羸困。溫中逐水。止邪汗。去濕洩瀉。注下。  
水穀不分。腹中雷鳴。傷寒時氣。裏寒外熱。霍亂  
吐利。手足厥冷。胸痺心痛。逆氣短氣。寒多不飲  
水吐者。

人參

去芦白朮 三兩

乾薑

炮三兩甘草 炙一兩

右㕮咀。每服三錢。水一盞。煎六分。去滓。帶熱服。  
空心食前。或研細末。白湯調下。腹痛者。加人參  
一兩半。寒多加乾薑一兩半。渴者加白朮一兩  
半。臍上築者。腎氣動也。去白朮加桂四兩。吐多  
者。去朮加生薑三兩。下多者。還用朮。悸者加茯  
苓二兩。或四肢拘急。腹滿下利。轉筋者。去朮加  
附子一個。生用。末之。蜜丸如雞子黃大。名理中  
丸。又名調中丸。治厥陰臟寒。虵上入鬲。吐長蟲。

或胃中虛冷因發汗故吐蟲先服理中丸或  
枳實茯苓蜜丸治傷寒結胸欲絕心鬲高起實  
滿作痛手不得近並用熱湯化下

大柴胡湯

治傷寒十餘日邪氣結在裏往來寒熱邪實太  
盛大便秘澀腹滿脹痛譫語心中痞硬飲食不  
下或不大便五六日遶臍刺痛時發煩躁及汗  
後如瘧日晚發熱兼臟腑實脉有力者可服

柴胡

去芦  
八錢

黃芩

三錢

赤芍藥

三錢

枳實

去穢  
炒五錢

半夏

泡七次切片  
焙乾半兩

右剉散薑棗煎加減服之欲下加大黃半兩

陰旦湯

治傷寒肢節疼痛內寒外熱虛煩。

桂 二兩

芍藥

一兩

甘草

炙一兩

乾薑

炮一兩半

黃芩

一兩半

右咬咀每服三錢水一盞棗一個同煎去滓溫

服覆令少汗。

白虎加人參湯

治傷寒若吐若下後七八日不解熱結在裏  
外俱熱時惡寒大渴大汗煩渴不解脉洪大者

石膏

四兩  
研細

知母

一兩  
半

甘草

炙半兩

梗米

一合

人參

半兩  
去芦

右㕮咀每服三錢水一盞煎六分米熟爲度服

### 小建中湯

治傷寒陽脉澀陰脉弦法當腹中急痛先與小

### 建中湯

桂枝

一兩

芍藥

三兩

甘草

二兩

膠飴

半斤

右咬咀每服三錢水一盞生薑二片棗一枚煎六分去滓下膠飴兩匙許再煎化溫服日三夜二服尺脉尚遲再作一劑加黃芪末一錢

### 玉露散

涼心經解諸熱治口燥咽乾煩渴躁啼小便閉

寒水石

兩一

石膏

兩一

甘草

三錢

右爲末每服半錢麥門冬泡湯化下湯使隨意加辰砂金箔名桃紅散亦治急驚入梔子仁名金蓮散加滑石半兩名玉真散湯氏方治小兒

秋夏伏暑多煩熱吐黃涎頭額溫五心熱小兒  
赤少或乾嘔無物宜服香薷散又宜服玉露散  
生薑汁和白湯調下獨用薑汁一服而止

脫甲散

治嬰孩小兒傷寒體熱頭目昏沉不思飲食夾  
驚夾食寒熱大小便閉澀或赤或白煩燥作渴  
冷汗妄流夾積傷滯膈滿脹急青黃體瘦日夜  
大熱及療傷風傷寒傷暑驚癇客忤筋骨腎臟  
疳氣等熱竝宜服之

柴胡

去芦 二錢

當歸

酒洗 三錢

白茯苓

三錢

龍膽艸

去芦 三錢

人參

去芦 二錢

知母

去毛 二錢

甘艸

炙四錢

川芎

二錢

右爲末每服一錢水一盞連翹葱白一寸煎至

半盞溫服不拘時此方散熱扶表救裏表虛令

汗不妄行裏熱令氣才閉結外卽通關內卽開

渠通關流行經路開渠不壅臟腑熱在表裏之

間施無不可

傷寒咳嗽傷風

第五十四問

仲陽云咳嗽者肺感微寒。八九月間肺氣大旺。病嗽者其病必實非久病也。其症面赤身熱痰盛。法當以葶藶丸下之。若久嗽不可下也。冬月嗽乃傷風咳也。當以麻黃湯汗之。有熱症而赤飲水涎痰濃疾咽喉不利者宜甘桔湯。有肺盛者咳而後喘而腫欲飲水有不飲水者其身即熱以瀉白散瀉之。有嗽而吐涎痰乳食者以白餅子下之。然肺主氣應于皮毛肺爲五臟華蓋小兒感于風寒客于皮膚入傷肺經微者

咳嗽重者喘急肺傷于寒則嗽多痰涎喉中鳴舌  
傷于燥則嗽聲不通壅滯傷于寒者必散寒邪傷于  
燥者必泄壅滯發散屬以甘辛卽桂枝麻黃細辛足  
也湧泄係以酸苦卽葶藶大黃是也更五味子烏梅  
之酸可以欽肺氣亦治咳嗽之要藥也久嗽不已必  
主驚悸頭涎血脉灌臉其嗽傳受五臟或吐逆或痰  
涎或厥冷或恐悸甚而至于眼目兩眶紫黑如被物  
傷損眼白紅赤如血謂之血眼治之之法常用生地  
黃及溼黑豆研成膏掩眼上而眼腫黑自消其血皆

自眼泪而出。眞良方也。兼服麥煎散而嗽自止。久嗽  
成癰。當服散癰等劑。凡治嗽。先要發散寒邪。然後服  
寬氣化痰止嗽之藥。卽得痊癒。先服九寶丸。華蓋散。  
葶藶丸。抱龍丸。或細辛五味子湯。如有熱。可服涼肺  
之藥。柴胡黃芩等劑。并瀉白散。痰多氣喘。用金星丸。  
利痰了。却服前藥。後服百部丸。生犀散。天麻定喘飲。  
調理而安。冷症咳嗽。小青龍湯加杏仁。去麻黃。亦可。  
服。有熱。及時氣咳嗽。柴胡散加杏仁。五味子。柴胡石  
膏湯。亦可。錢氏生犀散加減。亦佳。有驚咳。嗽天麻散。

風丸治之。惺惺散化風丹皆可服。金沸草散三拗湯加減。及治傷風咳嗽之常劑也。和解湯治四時感冒。可加減服。

### 葶藶丸

治食乳衝脾。咳嗽傷風面赤。痰盛身熱喘嗽急。促化痰寬氣進食。

葶藶子

隔紙略炒

防已

黑牽牛

略炒

杏仁

去皮尖雙仁者同乾麪炒黃別搗各一兩

右爲末。研入杏膏拌勻。取蒸棗肉和再搗爲劑。

九如麻子大。每服五九至七九。淡生薑湯下。乳食後。或臨夜服。量大小加減。

### 麻黃湯

治傷寒頭疼發熱身痛惡風無汗而喘。又治太陽病。脈浮緊無汗發熱身疼痛。八九日不解。表症仍在。此當發其汗。服藥已。其人煩目瞑劇者。必衄。衄乃解。所以然者。陽氣重故也。

甘草

半兩

麻黃

去節二兩

桂枝

一兩

杏仁

去皮尖三十個

右咬咀。每服三錢。水一盞。煎八分。去滓。大小如

減服。被覆取汗。夏至后須加知母石膏各一兩。  
黃芩八錢。蓋麻黃性熱。夏月溫之。必有發黃發  
斑之失。凡傷寒熱病。藥性須涼。不可太溫。惟冬  
及春。或病人素虛寒者。乃用正方。不在加減例。  
甘桔湯

治風熱毒氣上攻咽喉。咽痛喉痺。腫塞妨悶。及  
肺癰咳嗽。咯吐膿血。胸滿振寒。咽乾而渴。時出  
濁沫。氣息腥臭。久久吐膿。狀如米粥。

桔梗

甘草 二兩

右爲粗末每服二錢水一盞煎至七分去滓食

後溫服加荊芥防風名如聖湯熱甚加黃芩

瀉白散

化痰止咳寬氣進食

地骨皮

兩 桑白皮 炙一兩

甘草

炙半兩

右剉每服二錢水一盞粳米一撮煎米熟爲度

白筋子

治小兒夾食傷寒其症發熱嘔吐亦有肚疼者

噯氣辨得分曉先用此藥一服推下食積却用

平和藥發散調理如惺惺散加減參蘇飲皆

服却不可服冷藥

滑石

一錢

南星

一錢

半夏

一錢

輕粉

五分

巴豆

廿四个去皮膜用水一升煮乾研細

右三味搗羅爲末。入巴豆霜。次入輕粉。又研勻。却入餘藥末。令勻。糯米飲九。如菰豆。大量小兒。壯瘦虛實用藥。三歲已下。每服三九。至五九。紫蘇湯空心下忌熱物。若三五歲兒壯實者。不以此拘。加至二十九。以利爲度。

麥煎散

治小兒夾驚傷寒吐逆壯熱表裏不解氣粗喘急面赤自汗或狂語驚叫或不語無汗及癰疹遍身亦痒往來潮熱時行麻豆癰子餘毒未盡渾身浮腫痰涎咳嗽或變急慢驚風手足搐搦眼目上視及傷風頭疼並治一方無地骨皮赤芍藥滑石知母有釣藤桔梗川芎亦可

滑石

半兩

地骨皮

半兩

赤芍藥

半兩

石膏

半兩

白茯苓

半兩

杏仁

半兩

知母

半兩

甘艸

半兩

葶藶子

半兩

人參

半兩

麻黃

去節一兩

有熱加大黃

右爲朱每服一錢麥子煎湯調下。如初生牙風感冒風冷鼻塞身熱噴嚏多啼每十字用麥子煎湯調下。

九寶飲

治小兒嗽是肺藏感寒。須是表散了却服嗽藥。

麻黃

去節一兩

薄荷

一兩

大腹皮

一兩

紫蘇

一兩

陳皮

一兩

杏仁

一兩

肉桂

半兩

桑白皮

炙半兩

枳殼

半兩

甘艸

二錢

右咬咀生薑烏梅煎冷症去薄荷熱症去肉桂

華蓋散

治肺感寒邪咳嗽上氣胸膈煩滿項背拘急聲重鼻塞頭目昏眩痰氣不利呀呷有聲

麻黃

去節半兩

蘇子

炒半兩

桑皮

蜜炙半兩

杏仁

去皮尖炒半兩

赤茯苓

半兩 陳皮

去白半兩

甘艸

炙一錢

右爲末每服一錢水一盞煎五分去滓食後服

細辛五味子湯

治肺經不足胃氣怯弱或冒風邪或停寒有飲咳嗽喘息不得安卧胸滿迫塞短氣減食乾嘔

作熱咳唾結痰或吐涎沫頭目昏眩身體痠重  
語聲不出痛引胸脇不問新久並宜服之

細辛

去苗一兩半

湯泡

烏梅

去核一兩

甘艸

炙一兩

鰾粟殼

去蒂炒一兩半

五味子

三兩

桑白皮

炒二兩

右咬咀每服二錢水一盞生薑一片煎六分服

抱龍丸

治傷風瘟疫身熱氣粗痰實壅嗽常服安神鎮  
驚亦治疹痘壯熱小兒宜時與服

膽星

一兩

天竺黃

二錢

雄黃

二錢

辰砂

二錢

麝香

少許

氣喘有痰加杏仁

右爲末。煮甘艸汁。丸嬰桃大。陰乾。薄荷湯吞下。

### 金星丸

治小兒風熱壅盛。喉中痰鳴。嗽喘氣粗。面頰紅  
腮赤腫疼。咽喉壅塞。口開不得。多眠發熱。狂言  
煩燥。多渴。則生驚風。大便不通。小便如血。諸般  
熱壅瘡癩。煩燥。竝宜服之。

鬱金

二錢半

雄黃

二錢半

膩粉

半錢

巴豆

七粒  
去油

右爲末。調勻。醋糊爲丸。麻子大。薄荷湯吞下。

百部丸

治小兒肺寒壅咳嗽微喘有痰切切方加甘草

百部

三兩  
炒

麻黃

去節  
三

杏仁

四十個  
炒  
去皮尖微  
沸研入

右爲末煉蜜丸如芡實大熱水化下仲陽加松  
子仁肉五十粒胡桃仁十個丸含化。

生犀散

治咳嗽解時氣痰逆喘滿心忪驚悸風熱。

杏仁

二錢  
炒

桔梗

二錢

茯苓

一錢

前胡

一錢  
半

人參

一錢

半夏

一錢

杜五味

一錢

甘艸

一錢

右咬咀生薑薄苽煎有熱加羌活或加麻黃

天麻定喘湯

治小兒喘嗽驚風

天麻

一兩

防風

一兩

羌活

一兩

甘草

一兩

人參

半兩

桔梗

一兩

白朮

半兩

川芎

半兩

半夏麴

一兩

右咬咀每服二錢水一盞麥門冬十四个煎至

七分食後服有熱去白朮加芍藥枳殼

小青龍

治傷寒表不解惡寒體熱水停心下乾嘔發熱

咳嗽喘急。又主肺脹胸滿。鼻塞涕涕。咳逆上氣。喘鳴怕寒。仲景曰。治表不解。心有水氣。乾區發熱而嗽。或渴或利。或小便不通。或噎。小腹喘滿。

麻黃去節一兩 赤芍藥三錢 半夏炮三錢 細辛半兩

乾薑三錢 甘草炙三錢 桂枝去皮三錢 五味子半兩

右吹咀。每服三錢。水一盞。煎七分。溫服。○微利者。去麻黃。加薤花如彈子大。炒令赤色。○若噎者。去麻黃。加附子半錢。炮。○若小便不利者。去麻黃。加茯苓一兩。○如喘者。去麻黃。加杏仁半

兩去皮尖。○若渴者去半夏加瓜蒌根 兩半

### 柴胡散

治小兒傷寒無汗有表症壯熱頭疼身體痛口乾煩渴小便赤大便秘澀夾驚腮腫

石膏

二錢

黃芩

一錢

甘草

二錢

赤芍藥

二錢

葛根

二錢

麻黃

去節半兩

柴胡

半兩

右剉水一盞每服三錢薑一片葱白一寸煎服

### 柴胡石膏湯

治時行瘟疫壯熱惡風頭痛體疼鼻塞咽乾心

胸煩滿寒熱往來痰實咳嗽涕唾稠粘

白桑皮

三兩

黃芩

三兩

升麻

二兩

石膏

五兩

前胡

去芦五兩

赤芍藥

五兩

乾葛

五兩

柴胡

五兩

荊芥穗

三兩

無汗加麻黃半夏社五味

右剉每服二

水一盞生薑二片淡豆豉十粒

煎至七分去滓稍熱服小兒分作三服不拘時

### 天麻防風丸

治一切驚風身體壯熱多睡驚悸手足抽掣精神昏憤咳嗽痰涎不利及風溫邪熱並宜服之

天麻 一錢 防風 一錢 人參 一錢 辰砂 一錢

雄黃 一錢 甘肅 一錢 麝香 一分 全蝎 半兩

僵蠶 炒 一分 一方有膽南星無麝香

右為末煉蜜丸如梧桐子大每服一九至二九

薄苛湯下不拘時

惺惺散

治小兒風熱瘡疹傷寒時氣頭疼壯熱目澁多

睡咳嗽喘粗鼻流清涕

天花粉 一兩 人參 一兩 細辛 一兩 茯苓 一兩

去葉 去皮

白朮

炒一兩

甘艸

炙一兩

桔梗

一兩

右剉散每服五錢水一小盞入薄荷三葉同煎

至四分溫服如要和氣卽入生薑煎服不拘時

化風丹

涼風化痰退熱定搐

膽星

一兩

羌活

一兩

獨活

一兩

防風

一兩

天麻

一兩

人參

去芦一兩

川芎

一兩

荆芥

一兩

粉艸

一兩

全蝎

一兩

一方加辰砂麝香

各半兩

右爲末煉蜜丸如芡實大每服二丸薄荷湯下

金沸草散

治傷風痰盛頭目昏痛頸項強急往來寒熱肢  
體煩疼胸膈滿痛咳嗽喘逆涕唾稠粘及時行  
寒疫壯熱惡風

荊芥穗

匹兩

前胡

去芦三兩

麻黃

去節三兩

旋覆花

三兩

甘草

炙三兩

半夏

製一兩

赤芍藥

一兩

右剉每服二錢水一盞生薑二片棗一个煎六

分去滓溫服不拘時有寒邪則汗出惡風加杏

仁杜五味

又方

亦名金沸神散

治傷寒中脘有痰令人壯熱頭疼脈緊急時發寒熱皆類傷風但不頭疼爲異耳。

前胡

三兩

旋覆花

三兩

荆芥穗

四兩

赤茯苓

一兩

細辛

一兩

甘艸

炙一兩

半夏

洗淨薑汁浸

製切一兩

右爲末每服一錢水一盞生薑一片棗二个煎六分去滓熱服未愈再服。

### 三拗湯

治感冒風邪鼻塞聲重語音不出或傷風傷冷頭疼目眩四肢拘急咳嗽多痰胸滿氣短

麻黃

不去

杏仁

不去皮尖

甘草

生用各等分

右咬咀。每服三錢。水一盞。生薑三片。煎至六分。去滓溫服。取汗爲度。一方加荊芥桔梗。嗽甚加五味子。紙辛各減半。又方麻黃去節。杏仁去皮尖。甘艸炙名三和湯。治喘嗽尤妙。加減在乎活法。有熱加前胡。傷風加荊芥。有痰加半夏。

### 和解湯

治小兒四時感冒寒邪。壯熱煩燥。鼻塞多涕。驚悸自汗。肢體疼痛。及瘡疹已發未發皆可服。

羌活

一兩

防風

一兩

川芎

一兩

人參

一兩

乾葛

半兩

升麻

半兩

甘草

半兩

芍藥

半兩

右咬咀。每服三錢。水一盞。生薑一片。棗一個。煎至六分。不拘時服。無汗加麻黃。咳嗽者加杏仁。五味子。桂梗。

百辟內嗽

第五十五問

此名乳嗽實難調理。亦惡症也。當審虛實而施治焉。  
實者散之。虛者補之。其症氣粗痰盛。口瘡眼眵。發散  
後可利之。比金丸等藥主之。散其實也。其症嘔吐後  
驚悸困倦。汗。當用補肺散。益黃散。天麻散。補其虛  
也。大抵治驚嗽。琥珀散主之。天麻丸乃要藥也。用天  
麻。蟬退。僵蠶。人參。川芎。甘艸。礪砂。天竺。黃牛。膽。南星。  
白附子。雄黃末之。煉蜜丸。如芡實大。金箔爲衣。每服  
一丸。薄荷湯化下。治未滿百辟咳嗽不止。遠勝諸藥。

補脾散

治小兒久患咳嗽氣惡有痰惡心可服

阿膠

炒一兩半

鼠黏子

一兩

馬兜鈴

半兩

杏仁

七個去皮尖

糯米

一合

甘艸

半兩

右咬咀三歲一錢水半盞煎至三分去滓溫服

比金丸

治驚癇先用此

人參

一兩

琥珀

一兩

白茯苓

一兩

遠志

薑製去心一兩

硃砂

一兩

天麻

一兩

石菖蒲

一兩

川芎

一兩

牛膽南星

一兩

青黛

麝香

半錢

右為末煉蜜丸桐子大每服一丸薄荷湯調下

天麻散

治嬰兒驚風有痰氣壅面紅

南星

水浸春秋五日冬七日夏三日半兩

天麻 三錢

硃砂

一錢 麝香 一字

右為末每服一字用杏仁湯調下人參湯亦可

琥珀散

治小兒急慢驚風涎潮昏冒目睛抽搐驚

辰砂

半錢 琥珀 一錢

牛黃

一錢 僵蠶 炒去絲

全蝎

去毒 一錢

白附子

一錢 乳香 一錢

蟬蛻

一錢

代赭石

煅醋淬七次 一錢

牛膽南星

一錢

麝香

一字

冰片

一字

右爲細末每服一錢薄芎湯下慢驚加附子。

天麻丸

治小兒未滿百晬咳嗽不止名曰乳嗽

天麻

一兩

蟬退

一兩

僵蠶

一兩

人參

一兩

川芎

半兩

甘艸

二兩

礪砂

半兩

辰砂

一兩

天竺黃

一兩

膽星

二錢

白附子

一兩

坯

一兩

雄黃

一兩

金箔

五片

右爲末煉蜜丸如芡實大。金箔爲小每服一薄芎湯下。

喘急 第五十六門

議曰小兒有因驚暴觸心肺氣虛發喘者有傷寒肺氣壅盛發喘者有感風咳嗽肺虛發喘者有因食鹹鹹鹺傷肺氣發虛痰作喘者有食熱物毒物冒觸三焦肺肝氣逆作喘者喘與氣急同出而異名別之輕重耳痰火兩端喘卽口開隘于胸臆息短促急心神迷悶其因驚發喘逆觸心肺暴急張口虛煩神困者大效雄硃化痰定喘丸主之佐以天麻定喘飲乃效其傷寒肺氣壅盛發喘者是表不解以小青龍湯麻

黃杏子甘草石膏湯辨其冷熱而施治焉其感風咳嗽肺虛發喘者則三拗湯加減治之其食鹹醃而喘者啗以生腐有熱治之以涼肺定喘之劑又有哮喘者以許叔微十六般哮喘之法治之無不愈又有汗下之後而喘急者葛根黃連黃芩主之喘甚者加葶藶子又有葶藶丸寬氣進食千金麝香湯治咳逆喘急大效

大效雄硃化痰定喘丸

治小兒因驚發搐逆觸心喘暴急張口虛煩神困

雄黃

一兩

硃砂

一兩

蟬蛻

一兩

全蝎

一兩

地張龍

一兩

白殭

一兩

天南星

一兩

白附子

一兩

白附子

一兩

輕粉

半兩

右為末。麪糊丸如麻子大。每服三十丸。薄荷茶

清送下。食後服。

天麻定喘飲

治小兒喘嗽驚風

天麻

一兩

防風

一兩

羌活

一兩

甘艸

五錢

人參

五錢

桔梗

五錢

白朮

五錢

川芎

五錢

半夏麴

五錢

右剉每服三錢。水一盞。麥門冬十四粒。煎至七

分。食後服有熱去白朮。加芍藥枳殼。

小青龍湯 有加減法詳五十四問中

治傷寒表不解。惡寒體熱。水停心下。乾嘔發熱。咳嗽喘急。及主肺脹胸滿。鼻塞清涕。咳逆上氣。喘鳴怕寒。仲景曰。治表不解。心有水氣。乾嘔發熱而嗽。或渴或瀉。小便不利。或噎。小便滿喘者。

麻黃 去節 三錢 赤芍藥 三錢 半夏 炮 三錢 細辛 三錢

乾薑 三錢 甘草 炙 三錢 桂枝 去皮 三錢 五味子 半兩

右咬咀。每服三錢。水一盞。煎至七分。不拘時服。

麻黃杏子甘艸石膏湯

治傷寒發汗後不可更行桂枝湯汗出而喘無大熱者下後不可行程桂枝湯汗出而喘無大熱者

麻黃

二兩去節湯泡  
去黃汁焙乾

杏仁

二十五個  
去皮尖

石膏

四兩  
研

甘艸

一兩  
炙

右咬咀每服二錢水一盞煎六分去滓溫服

三拗湯

加減詳五十四問中

治感冒風邪鼻塞聲重語音不出或傷風傷冷

頭疼目眩四肢拘急咳嗽多痰胸滿氣短。

麻黃

節 不去

杏仁

皮 不去

甘草

生用各等分

右咬咀每服三錢水一盞生薑三片煎至七分

去滓溫服取汗為度。

總治十六般哮喘出本草方

阿膠

一兩剉碎蛤粉炒成珠

馬兜鈴

一兩甘草炙

半夏

一兩薑汁浸三日炒

杏仁

一兩去皮

人參

半兩

右為末每服一錢水一盞隨病有湯使煎至七

分臨臥食後服湯使開後。

心嗽面赤或汗流加葛根煎

肺嗽眼中淚出加烏梅一个糯米十四粒煎

脾嗽不思飲食一兩時惡心入生薑二片煎

胃嗽吐逆嘔酸水入蚌粉煎

膽嗽令人不睡用藥半錢茶清調下

肺嗽半氣喘急入桑白皮煎

膈嗽出痰如圓塊入生薑自然汁調藥嚥下

勞嗽久秦瓠朮同煎

冷嗽天晚嗽甚加葱白三寸同煎

血嗽連頻不住加當歸棗子同煎。

暴嗽涕唾稠粘入烏梅生薑同煎。

產嗽背甲痛加甘艸三寸黃蠟少許煎。

氣嗽肚疼脹滿入青皮去白煎。

哮喘聲如拽鋸入半夏二枚同煎。

腎嗽時復三兩聲入黃芪白飴糖煎。

已上十五般嗽藥依法煎服無不效驗。

葛根黃芩黃連湯

治太陽病反下之。

遂不止脉促者喘而汗出。

葛根

二兩

黃芩

七錢

黃連

七錢

甘州

半兩

右咬咀每服三錢水一盞煎七分去滓加減服

喘甚加葶藶子

葶藶丸

治食乳衝脾咳嗽傷風面赤痰熱喘促氣逆

葶藶子

隔紙略炒一兩

防已

剉碎一兩

黑牽牛

略炒一兩

杏仁

去皮尖及雙仁者麩炒黃別研成膏一兩

右爲末研入杏膏拌勻取蒸棗肉和再搗爲劑

丸如麻子大每服五丸至七丸淡生薑湯下乳

食後或臨臥服量大小加減

千金射干湯

治小兒咳嗽喘息如水雞聲

射干

半兩

麻黃

半兩

紫菀

半兩

甘草

半兩

生薑

半兩

細辛

半兩

阿膠

半兩

半夏

五个

挂心

五寸

大棗

二十个

右咬咀水七升煎取一升五合去滓入蜜五合

煎一沸分溫服二合日三服

潮熱 第五十七問

仲陽云潮熱者。時間發熱過時卽退來日依時發熱。此欲發驚也。發來潮熱。又似瘧熱。總曰潮熱。蓋發作有期。其熱有五。榮熱衛熱。瘧氣熱。兩日一發。或三日一發。竝用梨漿飲治之。王氏云潮熱乃是血氣壅實。五臟生熱。薰發于外。故令發熱。傷寒論云潮熱者實熱也。當利大便。大柴胡湯承氣湯等劑治之。虛熱者地骨皮散主之。犀角飲鼈甲飲。靈犀飲。秦艽飲。生犀散。聖濟經用地骨皮飲。羌活餅等劑。

梨漿飲子

治潮熱榮熱衛熱瘴氣熱兩日一發三日一發  
積熱脾熱痞熱胃熱癰熱瘧熱邪熱寒熱脾瘧  
鬼瘧夜發單瘧獨熱

青蒿

童便浸一日晒乾

柴胡

去芦

人參

去芦

黃芩

炒

前胡

去芦

秦艽

去芦

甘艸

炙各等分

右咬咀每服一歲半錢一歲一錢水一小盞入  
生藕生梨薄苛生地黃同煎至半去滓通口空  
心食前服

大柴胡湯

治傷寒十餘日。邪氣結在裏。往來寒熱。大便秘澀。腹滿脹痛。譫語。心中痞硬。飲食不下。或不大便五六日。繞臍刺痛。時發煩躁。及汗後如瘧。日  
晚發熱。兼臍腑實。脈有力者。可服。

柴胡

去芦 八錢

黃芩

三錢

赤芍藥

三錢

枳實

去穢 炒 三錢

半夏

湯泡 七次 切片 焙乾 一錢半

右剉散薑棗煎加減服之。欲下加大黃半兩效。

大承氣湯

治剛症胸滿內實口噤咬齒大熱發渴大便閉澀

大黃 半兩 芒硝 半兩 厚朴 一兩 枳實 一兩

右剉散。每服三錢水一盞煎六分。不拘時熱服。

地骨皮散 治虛熱亦治傷寒壯熱

知母 一兩 炒 柴胡 半兩 去毛 甘草 半兩 生 人參 半兩 去芦

地骨皮 一兩 茯苓 半兩 半夏 半兩 湯泡七次切 片硝 焙三錢

右咬咀薑水煎服。每用三錢有驚熱加蟬退大

麻黃芩。全嬰方加秦艽名秦艽飲子。

犀角飲 治小兒骨蒸潮熱盜汗肌瘦

犀角 鎊碎 一兩 龍甲 酥炙 一兩 柴胡 去芦 一兩 知母 去毛 炒 一兩

地骨皮

一兩

胡黃連

一兩

大黃

半兩

桃枝

半兩

右咬咀。每三歲一錢。水一盞。煎三分。去滓。溫服。

鼈甲

治小兒

多渴心

骨蒸潮熱盜汗咳嗽

多驚面黃消瘦

痰

鼈甲

酥炙

地骨皮

一兩

秦艽

一兩

柴胡

一兩

枳殼

麩炒

知母

去毛

當歸

一兩

右咬咀。三歲一錢。水半盞。桃柳枝各三寸。烏梅

一个。煎三分。去滓。服無時。

靈犀

治小兒

骨蒸潮熱盜汗咳嗽可食

多渴面黃肌瘦腹急氣粗等症

等症

等症

等症

等症

等症

犀角

錫屑

胡黃連

半兩

茯苓

去皮

人參

去芦

川芎

一兩

秦艽

一兩

甘草

一兩

羌活

一兩

柴胡

一兩

桔梗

一兩

地骨皮

一兩

右咬咀。三歲一錢。水半盞。烏梅竹葉少許煎服。

生犀飲

治小兒骨蒸肌瘦。頰赤口乾。日夜潮熱。夜有盜汗。五心煩熱。四肢困倦。飲食雖多。不生肌肉。及大病差後。餘毒不解。或傷寒病後。因食羊肉。體熱不除。

地骨皮

一兩

秦艽

一兩

人參

一兩

羚羊角

一兩

大黃

蒸一兩

麥門冬

一兩

枳殼

一兩

柴胡

一兩

白茯苓

一兩

赤芍藥

一兩

桑白皮

一兩

鼈甲

酥炙黃一兩

右剉每服二錢水一盞入青蒿少許煎溫服食

後兒小分爲二服治疳勞

青蒿散

治小兒室女肌瘦潮熱

青蒿

三錢

甘艸

一寸

烏梅

一個

小麥

五十粒

右咬咀河水一椀煎至三分去滓服

柴胡散

治小兒骨蒸潮熱面黃瘦弱

柴胡

半兩

地骨皮

半兩

甘草

炙半兩

右咬咀水 盞每用二錢煎七分去滓服不拘時。

壯熱溫壯 第五十八

仲陽云壯熱者一向熱而不已甚則發驚也溫壯者但溫而不熱也巢氏云小兒壯熱者是熱氣盛薰發於外故令身體壯熱其發無漸大體與溫熱相似少有異者熱加甚也此候宜服輕藥惺惺散羌活散皆可甚則黃芩柴胡乾葛之劑散之夫溫壯者繇小兒臟腑不調內有伏熱或挾宿寒皆搏于胃氣故令不和氣行壅滯故積體熱名曰溫壯大便黃而臭者內有伏熱其大便白而臭酸者則挾宿寒故也宜溫

之服理中四君子輩加桂治之。伏熱宜五苓散并白  
虎湯二藥俱效。其腹中有伏熱溫壯柴苓散主之。其  
心神不安大膽秘熱二黃犀角散主之。溫壯常熱不  
止牛黃散主之。凡解後餘熱不退可服地骨皮散黃  
龍湯牛黃膏亦治壯熱直指羚羊角湯治諸驚壯熱。  
治下後熱不退身壯熱百骨節疼梔子仁湯大連翹  
飲六物黃芩湯五物人參飲對症選用之。古法去伏  
熱則用龍膽湯去宿滯則紫霜丸甚效。其法而治之。  
聖濟經用升麻芍藥等劑治之。

中湯

治脾胃不和。中寒。上衝心。腹疔痛。痰逆。惡心。嘔吐。心下煩悶。痞滿。膈塞不通。飲食減少。短氣。羸困。溫中逐水。止汗去濕。泄瀉。注下水。穀不分。腹中雷鳴。傷寒時氣。裏寒外熱。霍亂嘔吐瀉利。手足厥冷。

人參

去蘆

白朮

乾薑

炮各等分 甘艸 炙減半

右剉散。每服二錢。水一盞。薑三片。棗一枚。同煎。腹痛加人參。渴加白朮。寒多加乾薑。附子。吐甚。

去白朮加生薑瀉多還用朮悸者加茯苓四肢厥冷下利轉筋方可加附子爲末蜜丸名理中丸治厥陰臟寒虬上入膈吐出長蟲胃虛冷故先服理中丸或加茯苓枳實

### 四君子湯

治榮衛氣虛臟腑怯弱心腹脹滿全不思食腸鳴泄瀉嘔噦吐逆

人參

去蘆

茯苓

去皮

甘艸

白朮

各等分

石爲末每服二錢水一盞煎七分通口服不拘

時雖少許白湯點服溫和脾胃進益飲食辟寒邪障霧氣。

三苓散

治傷寒溫熱病表裏未解頭疼發熱口燥咽乾煩渴飲水或水入即吐或小便不利及汗出表解煩渴不止又治霍亂吐利躁渴引飲

澤瀉

二兩半

猪苓

白朮

茯苓

各一兩半

桂

一兩

右爲末每服二錢熱湯調下不拘時多飲熱湯

有汗出卽愈。又治濕熱在裏，身發黃，疸濃，煎茵陳湯下。食前服。疸病發渴，及中暑引飲，亦可用。水調服。小兒加白朮末少許。如發虛，加綿黃芪、人參末少許。服之前十六間辰砂五苓散參用。

白虎湯

治傷寒大汗出，表症已解，心胸大煩渴，欲飲水，及吐或下後七八日，邪毒不解，熱結在裏，表裏俱熱，時時惡風，大渴，舌上乾燥而煩，欲飲數升者，宜服。又治夏月中暑毒，汗出惡寒，身熱而渴。

知母

三兩

甘艸

一兩

石膏

八兩

粳米

三合

右咬咀。每服三錢。水一盞。煎六分。米熟爲度。去

滓。溫服。聖惠方加乾葛。

### 柴苓散

治小兒腹中有伏熱。溫壯來去。

柴胡

七錢半

麥門冬

去心

人參

赤茯苓

甘草

各半兩

黃芩

一兩

右剉散。每服二錢。水一盞。入小麥一撮。竹葉一片。煎五分。去滓。溫服。量大小加減與之。

二黃犀角散

治小兒身體溫壯。心神不安。大腑秘熱。

犀角屑

大黃

酒浸蒸

釣藤

梔子仁

甘艸

黃芩

各五錢

右爲末。每服五分量。大小加減。熱湯調下。

牛黃散

治小兒溫壯。身體常熱不止。

牛黃

研

甘艸

各五分

柴胡

去酒

梔子炒

龍膽艸

錢

各二錢半

右爲末每服五分以金銀湯調下無時

地骨皮散

治虛熱亦治傷寒壯熱

知母

柴胡

甘艸

人參

地骨皮

茯苓

半夏

各等分

右剉散生薑煎有驚熱加蟬退天麻黃芩全蝎  
方加秦芫各秦芫飲子

黃龍湯

治傷寒身熱不退

柴胡

五錢黃芩

甘艸

各二錢

赤芍藥

三錢

右咬咀每服二錢薑一片棗一枚水一盞煎至五分去滓溫服無時

牛黃膏

治小兒天弔驚風手足搐搦面唇紅赤咽喉痰響渾身頭額壯熱喚問不知不醒人事或只左手左腳偏搐或只右手右腳偏搐或只唇口眼鼻顫搐此疾則多肚腹緊脹熱極則胸膈久積驚涎忽被風邪所觸故作是候也此患大忌不

得鍼灸若鍼灸迺悞矣凡中此疾須辨認有前  
項形證宜服此劑

蝎尾

四十枚

巴豆

去殼一錢半不去油

梅花腦

半字

辰砂

研二錢

鬱金

三錢以皂角水煮過

牛黃

少許

麝香

一字

右六味爲末每遇小兒中前項證候周歲半字  
三四歲一字仍觀孩兒身體肥瘦臟腑虛實及  
病勢輕重則加藥用蜜熟水一二分調勻灌下  
或薄荷湯亦可服藥後良久壓下痰涎疎去風

氣當宜瀉兩三行其瀉出如雞子白是應效或  
胸膈痰涎壅盛痞滿服此藥宜吐風痰亦爲美  
也下藥後或吐或瀉手足搖蕩稍定喉嚨不響  
頭額腹肚漸涼眼目不到記得人事面紅赤色  
但時時有少溫壯驚潮風熱來未退便續下保  
壽散三兩服金粉散一二服蚤晨更可下均氣  
補虛進乳哺白朮散一日蚤晨與一服或服此  
數件藥後或只覺得腹肚至夜微熱不進乳食  
宜空心與進一服寬熱散微微通去腹中餘熱

風濕或有是疾服藥稍退忌兩日不可見風一

方加粉霜三錢各硃砂膏

羚羊角湯

治諸驚壯熱

羚羊角

蟬蛻

茯神

法水

麥門冬

去心

柴胡

地骨皮

各一錢

黃芩

甘艸

各五分

右剉散每服二錢薑棗煎服

梔子仁湯

治陽毒傷寒壯熱百節疼痛下後熱不退者

梔子仁 赤芍藥 大青 知母

各一兩

川升麻 黃芩 石膏 柴胡

各二兩 去苗

甘草 杏仁

各二兩 去皮尖雙仁 者熬炒微黃色

右剉散每服三錢水一盞生薑三片煎六分去

滓不拘時溫服

大連翹湯

治瘡疹壯熱小便不通諸般瘡癰丹毒臍風

連翹 瞿麥 荊芥 木通

赤芍藥

當歸

防風

柴胡

活石

蟬蛻

甘艸

炙各一錢

山梔子

黃芩

各五分

右剉細。每服一錢。加紫艸煎溫服。熱甚加大黃。更詳症加減爲佳。

六物黃芩湯

治小兒天行壯熱。少小腹大短氣。熱有進退。飲食不化。

黃芩

大青

甘艸

麥門冬

去心

石膏

各半兩

肉桂

三錢

右剉散每服三錢白水煎去滓溫服

五物人參湯

治天行壯熱咳嗽心脹滿

人參

甘艸

各半兩

麥門冬

去心

生地黃

各一兩半

茅根

半握

右剉散每服三錢白水煎服

龍膽湯

治胎驚月內氣盛發熱凡臍風撮口壯熱皆可

用治嬰兒出腹血脉盛實寒熱溫壯四肢驚掣發熱大吐現者若已能進哺中食實不消壯熱及變蒸不解中客入鬼氣并諸驚癇方悉主之十歲已下小兒皆服之小兒龍膽湯第一。此是新出腹嬰兒方。若日月長大者以次依上爲例。若必知客忤及有魃氣者可加人參當歸各如龍膽多少也。一百日兒加三銖。二百日兒加六一歲加半兩。

龍膽艸

釣藤皮

柴胡

黃芩

桔梗

芍藥

茯苓

甘艸

各六錢

蟪蜋

二枚去翅炙

大黃

一兩煨

右咬咀。以水一升煮取五合爲劑也。服之如後節度。有藥虛實宜足數合水也。兒生一日至七日分一合爲三服。兒生八日至十五日分一合半爲三服。以漸加服。皆得下卽止。勿再服也。直指方爲末。每服一錢。非棗煎服。或加防風麥門冬以導心熱。黃芩減半去蟪蜋亦可。

紫霜丸

治食積亦是傷寒之藥治乳哺失節宿滯不化  
胃腹痞滿嘔吐惡心便利不調乳食減少又治  
傷寒溫壯挾熱實大便秘氣食不消化或已得  
汗熱不止或變蒸發熱多日不解或因食而  
發癰疔寒後熱並宜服之

代赭石

殿用辭  
洋七火

赤石脂

各一兩

杏仁

五十粒去  
皮尖麪炒

巴豆

三十粒去皮膜  
出油炒過研

右先將杏仁巴豆入乳鉢內細研如膏却入代  
赭石脂末研和勻以湯浸蒸餅丸如粟米大二

身重百兩 卷六  
歲兒五九米飲下一二百日兒三九亦要看肥  
瘦加減微瀉爲度。人凡變蒸與傷寒調理一同  
此藥竝治之。此仍是瀉食積之劑。量虛實用。

黃疸 第五十九則

仲陽云身痛背轉強大小便澀一身皆黃面目爪甲俱黃小便如屋塵汁色着物皆黃褐者難治此黃疸也別有一症生下百日及半年不因病後身微黃者胃熱也大人亦同又有面黃腹大食吐渴者脾角也又有初生而身黃者胎疸也諸疸皆熱色深黃者是也若淡黃兼白者胃怯不和也茵陳湯梔子蘗皮湯犀角散連翹赤小豆湯主之通治黃疸茵陳五苓散尤爲穩也又有脾弱痿黃小便清者治以溫劑當歸

陽明百問 卷六  
九散主之小半夏湯亦可用也

### 茵陳湯

治陽明病發熱汗出者此爲熱越不能發黃也  
但頭汗出身無汗齊頸而還小便不利渴十水  
漿者此爲瘀熱在裏身必發黃傷寒七八日身  
黃如橘色小便不利腹微滿者

茵陳蒿

嫩者一兩

大黃

三錢半

梔子

大者三枚

右剉散以水一大盞先煎茵陳減半次用二味  
煎八分去滓溫服日三服小便當利如皂角汁

狀色正赤一宿腹減黃從小便中去也量大小  
加減

梔子蘗皮湯

治傷寒身黃發熱。

梔子 八枚 黃蘗 一兩 甘艸 炙半兩

右剉散每服二錢水一盞煎六分去滓溫服。

犀角散

治小兒黃疸一身盡黃。

犀角 一兩 茵陳 乾葛 升麻

龍膽草

生地黃

各半兩

寒水石

七錢半

右剉散。白水煎。一方治小兒忽發黃。面目皮肉

須盡黃。乾葛根汁和蜜服。

連翹赤小豆湯

治小兒傷寒發黃身熱。

麻黃

去節

連翹

甘艸

生薑

赤小豆

生梓白皮

各二兩

杏仁

四十粒

大棗

十二枚

右剉散。白水煎。一方小麥苗搗汁服之。立效。

茵陳五苓散

五苓散加茵陳湯十分五苓散五分

右二件拌勻每服一錢溫水調下日三服

當歸散

治小兒夜啼者臟寒而腹痛也面青手冷不吮乳是也宜此方用

甘艸

桔梗

陳皮

當歸

各一錢

右爲末水煎半盞時時少與服之又有熱痛亦啼叫不止夜發面赤唇焦小便赤與三黃丸人

參湯下

當歸丸

治小兒冷熱不調大便青黃心腹多痛或腹中  
氣滿或時嘔逆不吮乳食加枳殼尤妙

當歸

白芍藥

人參

川芎

各三錢

甘艸

白朮

各半兩

古為末者麪糊為丸如麻子大三歲小兒每服

十丸粥飲送下日三服更量大小加減冷甚者

加陳皮

小半夏湯

治黃疸小便色不異欲日利腹滿而喘者不可除熱熱去必噦

半夏

湯洗七次

右剉散每服三錢水一盞薑十片煎七分溫服

消食丸

治常服寬中快氣消乳食正顏色

縮砂

炒

陳皮

炒

三稜

煨

蓬朮

煨

神麴

炒

麥蘖

炒

香附子

米泔浸宿炒用

枳殼

檳榔

烏梅

各半兩

丁香

二錢半

右爲末麩糊丸如菜豆大食後紫蘇湯下二十  
或三十丸。

嘔證吐乳證

第六十問

仲陽云。初生下。拭掠小兒口中穢惡不盡。嚥入喉中。故嘔吐及多生諸病。嘔者有聲也。吐者吐出乳也。凡小兒乳哺不宜過飽。若滿則溢。故令嘔吐。胃中納乳如器之盛物。杯椀之小。不可容巨椀之物。雨驟則溢。溢酒舉則卮翻。理之必然。乳母無知。但欲速得乳兒長大。更無時度。或兒睡着而更嘔乳。豈有厭足受病之源。自此漸至日深。導其胃氣之虛慢驚。自此而得可不慎乎。此候但令節乳爲上。甚者宜令斷乳。先此

乳母可服調氣之劑。兒服消食丸。化乳壯胃爲上。謹

曰吐乳。呢乳。此症有數般。有冷有熱。當自辨認。若吐

自口角出。此是乳多消化不出。滿而則溢。此非病也。

常服消乳丸。異攻散。當令乳母節乳爲上。冷吐可服

觀音散。香朴散。快脾等藥。熱吐則頭額溫。有黃涎而

渴。小便赤少。此是熱吐。多是傷暑熱者。有此症。乳母

同服香薷散。五苓散。又有風痰吐。乃是傷風不解。吐

乳夾痰。若經久。必然生風。仍宜下疎風化痰藥。竹茹

湯。去桂。五苓散。青州白丸子。溫膽湯。又當留心調治。

六霜丸亦可服

消乳丸

治溫中快膈止嘔吐消乳食脈沉者乃傷食不  
化故也

香附

炒一兩

甘艸

炙

陳皮

各半兩

縮砂仁

神麴

炒

麥蘖

炒各一兩

右爲末泡雪糕丸如黍米大七歲以上菴豆大  
三十丸食後薑湯下

又治百疳內嘔吐乳汁或大便青色

右用小婦人乳汁一盞。入丁香十粒。去白陳皮一錢。於器內同煎三十沸。去丁陳。稍熱與兒服。  
消食丸

治小兒飲食乳哺。取冷過度。冷氣積於脾胃。胃為水穀之海。脾氣磨而消之。胃氣調和。則乳哺消化。脾傷于冷。則宿食不消。此藥寬中快氣。消乳食。正顏色。

縮砂

陳皮

三稜

煨

蓬朮

煨

神麴

炒

麥蘖

炒令  
半兩

香附

炒  
一兩

右爲末麪糊丸菜豆大食後紫蘇湯下二十丸  
和劑觀音散

治小兒外感風冷內傷脾胃嘔逆吐瀉不進乳  
食久則漸至羸瘦大抵脾虛則瀉胃虛則吐脾  
胃俱虛則吐瀉不已此藥大能溫養脾胃進美  
飲食

石蓮肉去心人參 神麪炒各三錢茯苓 二錢

甘艸炙木香 綿黃芪炙白扁豆炒去皮

白朮各一錢

右剉散每服二錢水一盞棗一枚藿香三葉煎溫服

異攻散

治溫中氣治吐瀉不思飲食凡治小兒虛冷病先與數服以正其氣

人參

白朮

茯苓

甘艸

橘紅

木香

等分

右爲末每服三字薑棗煎服一方去木香

香朴散

治嘔吐泄瀉

藿香

陳皮

厚朴

薑汁炒  
各七錢

半夏

湯泡七  
次一兩

甘艸

炙一  
錢

右剉散每服三錢水一盞薑五片棗一枚同煎  
如瀉甚加木香肉豆蔻

香薷散

治臍膈冷熱不調飲食不節寒暑風冷之氣所  
傷致令真氣相干腸胃虛弱心腹疼痛霍亂氣  
逆及吐利發熱頭疼或嘔或瀉或轉筋拘急

香薷

一兩

白扁豆

炒厚朴

薑製各半兩

右剉散每服三錢水一盞薑三片煎服一方加黃連治瀉痢一方加芩芷香蘇散治霍亂吐瀉暑月感冒傷暑之症

### 五苓散

治傷寒溫熱病表裏未解頭痛發熱口燥咽乾煩渴飲水或水入即吐或小便不利及汗出表解煩渴不止又治霍亂吐利躁渴引飲

澤瀉

二兩

猪苓

白朮

茯苓

各半兩

桂 一兩

右爲末每服二錢熱湯調下不拘時多飲熱湯  
有汗出卽愈又治濕熱在裏身發黃疸濃煎茵  
陳湯下食前服疸病發渴及中暑引飲亦可用  
水調服小兒加白朮末少許如發虛加綿黃芪  
人參末少許服之前十六問辰砂五苓散參用  
竹茹湯

治胃受邪熱心煩喜冷嘔吐不止

葛根

七錢

半夏

半兩

甘艸

一錢

右咬咀每服三錢水一盞入竹茹棗少許生薑  
五片煎七分去滓取清汁微冷細細服不拘時  
加茯苓三錢尤妙。

### 蘇合香丸

治傳屍骨蒸諸項勞瘵。順氣化痰。卒暴心痛鬼  
魅瘧疾霍亂吐瀉赤白下痢小兒驚搐。

蘇合香油

五錢入膏內

安息香

一兩另處未用  
灰酒半升煑膏

丁香

青木香

白檀香

沉香

草撥

香附米

訶子

浸取肉

烏犀

鎊屑

硃砂

研水飛  
各一兩

薰陸香

片腦

研各  
五錢

麝香

七錢  
半

右爲末用安息香膏入蜜和丸如芡實大空心  
用沸湯化下小兒一丸老人四丸酒下亦可用  
蠟紙裹一丸彈子大用緋絹袋盛常帶之一切  
邪神不敢近去腦名麝香蘇合香丸治一切邪  
及胸膈噎塞腸中虛鳴宿食不消餘症並同

青州白丸子

治一切風痰小兒驚風

天南星

生

白附子

生各三兩

川烏頭

去鹽皮

半夏

生七兩

右用子花水浸次蚤另換新水春五日夏三日。

秋七日冬十日曬乾爲細末以糯米粉煎粥清

爲丸如棗豆大小兒驚風薄荷湯下和蘇合香

丸服各香青丸。

溫膽湯

治小兒心經虛怯夜臥不寧

枳實

陳皮

茯苓

甘艸

半夏

泡參竹茹 少許

右剉散。白水煎。加薑二片。棗一枚。空心服。

### 紫霜丸

治食積亦是傷寒之藥。治乳哺失節。宿滯不化。胃腹痛滿。嘔吐惡心。便利不調。乳食減少。又治傷寒溫壯。挾熱實大便秘。氣食不消化。或已得汗。身熱不除。或變蒸發熱。多日不解。或因食而發。癰先寒後熱。並宜服之。

代赭石

煅用醋片七次

赤石脂

各一兩

杏仁

五十枚去  
皮尖熬炒

巴豆

三十粒去  
出油炒過研

右先將杏仁巴豆入乳鉢內細研如膏却入代  
赭石脂研和勻以湯浸蒸餅丸如粟米大一歲  
兒五丸米飲下。一二百日兒三丸亦要看肥瘦  
微瀉為度大凡變蒸與傷寒調理一同此藥治  
治之此藥仍是瀉食積之劑要辨虛實用此藥